

摘藻堂四庫全書薈要

經部

欽定四庫全書薈要

經部

欽定儀禮義疏卷一



詳校官編修臣程嘉謨

欽定四庫全書薈要卷二千四百十四

經部

欽定儀禮義疏卷一

正義賈氏公彥曰儀禮周公所制

班氏固曰周監

於二代禮文尤具事為之制曲為之防故稱禮經三百威儀三千 朱子曰禮經即今之儀禮其存者十

七篇 張氏淳曰漢初未有儀禮之名疑後漢學者見十七篇中有儀有禮遂合而名之

存疑賈氏公彥曰儀禮不名周者欲見兼有異代之

法士喪禮商祝夏祝其證也

案周監二代則周人所行容有夏殷之禮存焉然已  
經周公損益則亦為周之禮矣其冠禮之若醺昏禮  
之若不親迎士虞之無尸少宰之若不賓尸則時有  
豐絀物有備否儀有隆殺聽人之擇而行之非闕異  
代至夏祝商祝不過取其名以為別亦於夏禮商禮  
無與命名之義不繫乎此

士冠禮第一之一

冠古玩反篇內  
不音者竝同

正義鄭氏康成曰童子任職居士位賈疏據昏禮相見禮皆士

身所行故知此年二十而冠賈疏曲禮二十曰弱是士身自加冠

者自十九而下皆為童子主人玄冠朝服則是仕於諸侯句天

子之士朝服皮弁素積朱子曰案諸侯朝服以日視朝天子皮弁以日視朝

皆君臣同服故此言主人玄冠朝服則是仕於諸侯而為士者若天子之士則其朝服當用皮弁素

積不得言玄冠朝服也鄭氏本文如此而釋文乃以天子二字加於諸侯之上則外繆而無文理矣

今定從疏古者四民世事士之子恒為士賈疏四民世

之者證此士身自加冠法若士之子四十強而仕何得有二十為士自加冠也朱子曰疏說不可

晚竊詳鄭意似謂士之子雖未仕亦得用此禮爾疏恐誤也冠禮於五禮屬嘉

禮賈疏春官大宗伯五禮吉凶賓軍嘉其以嘉禮親萬民一曰以昏冠之禮親成男女是冠屬嘉

禮也大小戴及別錄此皆第一賈疏戴德戴聖與劉向別錄十七篇次第

皆冠禮第一教氏繼公曰此篇主言士冠其適子之

禮此云士者據其子而立文也下篇放此冠者加

冠之稱凡經言士禮者皆謂諸侯之士其言大夫

禮者亦然

案教氏謂士冠其子之禮是也注疏以士身自加

冠者言之或疑古者十五入大學九年大成約其

出學之年已二十有四四十始仕則不當有童子

任職居位者似矣然四十而服官五十而為大夫

古人特差其大概耳如有才能出眾者未必拘此

限故賈氏以大夫為兄之長殤之服證之也抑士

雖無世官或亦有世爵勲德之冑雖未及歲豈盡

列於編氓則父子同為士者容當有之苟有一焉

則注疏之說不可廢也喪服大夫之子為其子為

大夫者不杖期經例凡云大夫之子者則父在也

是祖與孫同為大夫孫年未必四五十也此亦

可為父子同仕之證

通論賈氏公彥曰大夫始仕者二十已冠訖五十

乃爵命為大夫故大夫無冠禮又喪服大夫為昆

弟之長殤小功注云謂為士者若不仕者也以此

知為大夫無殤服也小記云丈夫冠而不為殤大

夫身已加冠降兄殤在小功是身有德行得為大

夫不以二十始冠也若諸侯則十二而冠案襄九年左氏傳晉侯問公年曰十二年矣國君十五而生子冠而生子禮也君可以冠矣是諸侯十二而冠也尚書金縢王與大夫盡弁時成王年十五則知天子亦十二而冠大戴禮公冠四加緇布冠皮弁爵弁後加玄冕天子亦四加後當加衮冕又家語冠頌王太子冠擬公則天子之元子亦四加若諸侯之子不得四加與士同三加可知 楊氏復

曰諸侯始加緇布冠績綌其服玄端再加皮弁三加玄冕天子始加玄冠朱組纓再加皮弁三加衮冕

案公冠但有玄端皮弁玄冕三者注四字當作三賈氏四加之說蓋沿公冠篇訛字而誤

士冠禮

正義敖氏繼公曰此目下文所言之禮也後篇皆放此

筮于廟門

筮市例反  
廟古廟字

正義鄭氏康成曰筮以著問吉凶於易也冠必筮自

于廟門者重以成人之禮成子孫也

賈疏兼言孫者  
家事統於尊若

祖在則為  
冠主也

廟謂禰廟不予堂者嫌著之靈由廟神

賈疏

草之靈莫善於著易曰著之德圓而  
神以著自有靈知吉凶不假廟神也

教氏繼公曰

此目筮日之事也凡經文類此者不悉見之筮日重

冠事也于廟門者為將有事于廟中必于門者明其

求於外神也



通論賈氏公彥曰特牲禮筮日主人即位于門外此不言以下文布席于門中闕外可見凡經內言廟者皆禰廟非禰廟則以廟名別之如聘禮卿受于祖廟是也若天子諸侯皆冠於始祖廟襄九年季武子云以先君之祧處之祧謂遷主所藏始祖廟也

案廟祧通言耳賈氏以祧為始祖廟蓋未必然說見聘禮特牲筮于門外與此在廟門亦微有別說見特牲

存疑賈氏公彥曰不筮月者夏小正二月綏多士女  
注謂冠子取妻時也有常月故不筮

案下經屨夏用葛冬皮屨則冠非有常月不筮者以  
事繫日主日則月不必筮也

主人玄冠朝服緇帶素鞵即位于門東西面

冠如字朝  
直遙反後

朝服同  
鞵音畢

正義鄭氏康成曰主人將冠者之父也玄冠委貌也

賈疏此云玄冠下  
記云委貌實一物

朝服者十五升布衣而素裳也

賈疏

雜記朝服十五升布也素裳裳與韠同色云素韠故知裳亦白素絹為之衣不言色者衣

與冠同也

賈疏禮之通例衣冠同色其衣冠異色經即別言之下文爵弁服純衣是也

筮

必朝服尊著龜之道也

賈疏正冠時主人服玄端爵韠此服朝服是尊著龜之道

案特牲禮筮日與祭同服玄端少牢禮筮日與祭同服朝服不特尊著龜者彼為祭事著龜不可尊於先祖此為冠事著龜可尊於子孫也 緇帶黑繒帶也 賈疏士練繒為帶體所裨者用緇此

言緇據裨者而言也

素韠白韋韠也長三尺上廣一尺下廣二

尺其頸五寸肩革帶博二寸

賈疏亦玉藻文注云頸五寸亦謂廣也頸中央

肩兩角皆上接革帶肩與革帶廣同

天子與其臣玄冕以視朔皮弁以

日視朝諸侯與其臣皮弁以視朔朝服以日視朝

賈疏

約玉藻

凡染黑五入為緇七入為緇玄則六入與

賈疏

而知

考工記鍾氏職染鳥羽三入為纁五入為緇七入為緇是染黑法此注玄六入下經注云朱四入無正文故皆云與以疑之

教氏繼公曰玄冠黑纁委貌也朝服十

五升之玄布衣而素裳也士朝服以苴敬其神也士服以玄端為正士帶以禪練為體其博四寸又以緇纁之博二寸者二合而裨其帶下之垂者故謂之緇帶帶下長三尺其屈垂者二尺素韠象裳色也士之

韞率象裳色或近焉惟有為而變者乃大異也 賈

氏公彥曰即位禰廟門外以待筮事

案或疑玄冠以布為之夫既祥縞冠素紕禪而纈皆  
絲也玄冠不以布可知矣記云大古冠布齊則緇之  
布冠止此耳麻冕特以麻為板之表裏其冒於首者  
則緇也帶下長三尺所謂紳也屈垂者則紐也

通論賈氏公彥曰玉藻君素帶終裨大夫素帶裨垂  
士練帶率下裨又云雜帶君朱綠大夫玄華士緇裨

注云君裨帶上以朱下以綠終之大夫裨垂外以玄  
內以華士裨垂之下外內皆以緇是謂緇帶鄭彼云  
是謂者指此文也若然天子諸侯帶繞腰及垂者皆  
裨之大夫則不裨其繞腰者直裨垂之三尺與屈而  
垂者士則裨其末而已韠即黻也祭服謂之黻朝服  
謂之韠玉藻云韠君朱大夫素士爵韠但彼是玄端  
服之韠用爵韠此朝服用素韠耳

餘論鄭氏康成曰韠蔽膝也古者田獵而食其肉衣

其皮先以兩皮如鞞以蔽前後後世聖人易之以布帛猶存其蔽前示不忘古尊祭服異其名曰黻

有司如主人服即位于西方東面北上

正義敖氏繼公曰有司即筮者占者宰宗人之類

鄭氏康成曰有司羣吏有事者謂主人之吏所自辟除府史以下也今時卒吏及假吏皆是也

案有司不論公私皆有焉惟其所長而已公則公有司也私則私臣也如主人服則朝服也有司亦朝服

者古人以禮相見皆曰朝士大夫聽事接賓之所亦曰朝至漢太守之庭猶曰郡朝故未仕者亦朝服特牲禮助祭者皆朝服是也主人朝服以敬筮事有司朝服亦以敬主人之事也有司在士之下而其冠服如此則二十而冠之禮不必士而後行之而士子弟之已冠者皆可以為有司而助人之禮事可見矣

存疑賈氏公彥曰羣吏與屬吏不同羣吏為府史胥徒屬吏則君命之士下文宿贊冠者注云謂賓及他



官之屬若中士下士又主人贊者亦云其屬中士若下士是也特牲有司之上有子姓此文無者祭祀事重故子姓皆來冠事稍輕故或有不至也

筮與席所卦者具饌于西塾

饌士總反塾音孰

正義鄭氏康成曰筮謂著也具俱也饌陳也西塾門

外西堂也

賈疏爾雅門側之堂謂之塾

敖氏繼公曰著而云筮

者以其所用名之席蒲筵也士用蒲席神人同所卦者所以畫地記爻及書卦之具也士喪禮卜日奠龜

于西塾上南首有席燋在龜東然則此時具饌之位  
著亦當南鄉席在其後而所卦者則在著右亦變於  
筮時也

案門之東西有四塾內外各二筮在闌西西面將筮  
而著與席及畫地記爻之木俱陳于門外西堂近其  
事也少牢云卦者在左坐卦以木

布席于門中闌西闕外西面

闌魚列反闕音域注  
古文闌為絜闕為蹙

正義鄭氏康成曰闌門櫺也闕閭也

賈疏曲禮外言  
不入於閭閭門

也限

邢氏曷曰闔謂門下橫木為內外之限也其門

之兩旁木則謂之棖棖闌之間則謂之中門 李氏

如圭曰闌門中央所豎短木也 敖氏繼公曰闌西

東西節也闔外南北節也此席西於闌乃云門中則

二扉之間惟有一闌明矣

案布席將坐以筮也前饌于西塾至此乃布之此席

其北上與

筮人執筴抽上韝兼執之進受命于主人

筴初革反  
韝音獨

正義鄭氏康成曰筮人有司主三易者也

賈疏周官筮人掌三

易一曰連山二曰歸藏三曰周易

贛藏筮之器也今時藏弓矢者謂

之贛丸

賈疏韜弓矢者以皮為之詩象弭魚服是以魚皮為矢服則此贛亦用皮也

蕪并

也進前也自西方而前

賈疏前鄉東方受命

受命者當知所筮

也賈氏公彥曰少牢云史左執筮右抽上贛兼與

筮執之東面受命于主人得命西面于門西抽下贛

左執筮右兼執贛以擊筮乃立筮此不言文不具筮

即著也曲禮云筮為筮贛言上者其制有上下下者

從下鄉上承之上者從上鄉下韜之也 敖氏繼公  
曰筮人有司之共筮事者少牢禮言為大夫筮者史  
也此為士筮宜亦如之史而云筮人者因事名之也  
案筮人注雖以兼主三易為說然左傳所載凡筮多  
用周易此亦宜然也兼執之者兼上韞與下韞而並  
執之此時著尚在韞待筮時乃取出以筮也

宰自右少退贊命

正義鄭氏康成曰宰有司主政教者自由也贊佐也

佐主人告所以筮也少儀曰贊幣自左詔辭自右

李氏如圭曰少退後於主人 朱子曰宰所贊之辭

當云某有子某將以來日某加冠於其首庶幾從之  
敖氏繼公曰鄉者宰亦在有司位至是乃來主人  
之右贊命為主人釋辭也

案宰有司主家政者士喪禮贈宰舉幣以東雜記亦  
曰宰舉以東原思為孔子宰家語孔子謂顏淵使爾  
多財吾為爾宰盖大夫以上宰皆臣也若士則公有

司若私臣皆可為之

通論賈氏公彥曰士喪禮命筮者在主人之右特牲云宰自主人之左贊命不由右者為神求吉變也士喪在右不在左者以其始死未忍異於生也少牢宰不贊命大夫尊屈士卑不嫌故使人贊命也

案特牲宰贊命亦當由右云左者字訛耳詔辭自右無神人吉凶之別也說見特牲禮

筮人許諾右還即席坐西面卦者在左

還音旋下同

正義鄭氏康成曰即就也東面受命右還北行就席  
卦者有司主畫地識爻者也

賈疏卦者亦西向

教氏繼公

曰筮人即席抽下韝乃釋之而坐筮 賈氏公彥曰

三正記大夫著五尺故立筮士之著三尺當坐筮

案筮法詳見周易著短者坐筮著長者立筮然則筮  
者執其上端植而不卧及分而為二則倚於西壁而  
揲之與若不近壁者亦當設一物倚之

通論教氏繼公曰凡卜筮于門者皆西面筮宅于兆



南則北面蓋以西北陰方故鄉之以求諸鬼神也少  
牢禮卦者在左坐卦以木卒筮書卦于木此不言坐  
則是立也其亦士禮異與立則卦時乃坐既乃興  
卒筮書卦執以示主人

正義鄭氏康成曰卒已也書卦者筮人以方寫所得  
之卦也

賈疏方版也不使他  
人書卦者尊卦也

敖氏繼公曰執之不

言筮人文省

案上言筮者西面坐至卒筮書卦興執以示主人不

言還則是西面自若但側身以卦示之耳故下文乃言還東面

通論賈氏公彥曰案特牲卒筮寫卦筮者執以示主人注云卦者主畫地識爻六爻備乃以方版寫之則彼寫卦亦是卦者祭禮吉事尚提提故卦者寫卦筮人執卦以示也士喪禮注卦者寫卦示主人經無寫卦之文喪禮遽故卦者自畫自示主人也此筮者自寫自示主人冠禮異於喪祭故也

主人受眊反之

眊音視

正義鄭氏康成曰反還也 賈氏公彥曰主人受眊

未辨吉凶主人尊先受眊知卦體而已反還之筮人使占吉凶

筮人還東面旅占卒進告吉

注古丈旅作臚

正義鄭氏康成曰旅衆也還與其屬共占之 敖氏

繼公曰筮人東面而言還明其位亦在有司中也占者占所遇之卦若其爻之吉凶也必旅占者欲盡衆

人之見也告吉亦執卦

案筮人還亦右還也席北上而進退皆右還則升降皆由下便也

通論賈氏公彥曰卜筮之法案洪範三人占從二人之言又金縢乃卜三龜一習吉則卜時三龜竝用玉瓦原三人各占一兆筮時連山歸藏周易竝用亦三人各占一易卜筮皆三占從二三吉為大吉一凶為小吉三凶為大凶一吉為小凶若獨用一龜一易則

三人共占之

存疑賈氏公彥曰夏殷以不變為占周易以變者為占

案夏殷占法遠難徵矣周易占法原兼變與不變者為占如六爻皆不變則占本卦彖內為貞外為悔孔成筮立衛侯元得屯秦伐晉筮得蠱貞風悔山是也其占變爻者如畢萬得屯初敬仲得觀四是也其兼變不變占兩象者如晉文遇貞為屯悔為豫皆利建

侯是也疏云夏殷以不變者為占盖未盡然矣

若不吉則筮遠日如初儀

正義鄭氏康成曰遠日旬之外

賈疏曲禮旬之內曰近某日旬之外曰遠

某日據士禮旬內筮特牲旬內筮日是也大

夫已上禮旬外筮少牢筮旬有一日是也 賈氏

公彥曰曲禮吉事先近日冠吉事故先筮近日不吉

乃更筮遠日 敖氏繼公曰遠日去初筮者旬有一

日也以其干同故謂之遠日少牢日用丁巳而以後  
丁後已為遠日可見初儀筮人執筮以下者也

案此於筮遠日如初儀之下然後云徹筮席宗人告事畢則不吉而未筮遠日事未畢筮席不徹也故特牲亦序宗人告事畢於筮遠日之下明筮遠日乃當日并筮也少牢則更筮其云及遠日又筮如初則非當日并筮與此異

辨正張子曰據儀禮惟有筮遠日之文不云三筮筮日之禮先筮近日後筮遠日不從則直諏用下句遠日盖亦足以致聽於鬼神之意而祀事則不可廢

案曲禮卜筮不過三王肅云禮以三為成也上句中  
旬下句三卜筮不吉則不舉然考之禮經皆無其文  
果用三筮經宜著再不吉又筮如初矣解者誤謂三  
卜筮而不知為重瀆也至疏謂冠之筮日三旬不吉  
更筮後月之上旬則是四筮并與三筮之說不合矣  
徹筮席

正義鄭氏康成曰徹去也斂也

賈疏席則徹去之筮則斂藏之

教

氏繼公曰筮著也既筮則釋於闕西今乃并與席徹



去之

宗人告事畢

正義鄭氏康成曰宗人有司主禮者

賈疏宗人掌禮比於宗伯

敖氏繼公曰告事畢東北面特牲禮宗人東北面告

濯具宰宗人筮人之屬皆公家所使給事於私家者

右筮日

主人戒賓賓禮辭許

正義鄭氏康成曰戒警也告也賓主人之僚友

賈疏同官

為僚同志為友此謂上中下士嘗執贊相見者也若未嘗相見則不必戒古者有吉事則

樂與賢者歡成之有凶事則欲與賢者哀戚之今將冠子故就告僚友使來禮辭一辭而許也再辭曰固辭三辭曰終辭不許也賈氏公彥曰戒賓者主人

親至賓大門外之西東面賓出大門外之東西面戒之案鄉飲酒主人請賓賓禮辭許注云不固辭者素所有志此亦素有志樂與主人歡成冠禮故不固辭也教氏繼公曰賓者主人同鄉之士也戒之者告

之使知其事且欲勞之也此上更當有賓主為禮一節與宿賓同文不具耳凡賓之與冠事者主人皆親戒之而以將為筮者為先餘人亦各以次為先後也是時主人皆親戒之者未筮則未有所別異也此雖親相見其辭則皆擯者傳之宿賓放此說見特牲篇戒賓亦朝服凡既筮而有事如戒宿之類皆因筮服無變也

主人再拜賓答拜主人退賓拜送

正義鄭氏康成曰退去也歸也 賈氏公彥曰案鄉

飲酒禮主人戒賓賓拜辱主人答拜乃請賓賓禮辭  
許主人再拜賓答拜主人退賓拜送鄉射亦然此經  
文不具當以彼文為正 敖氏繼公曰賓許而主人  
再拜謝其許也他禮類此者義皆然此言戒賓之儀  
畧者蓋以宿賓之儀見之也必拜送者所以謝之凡  
拜送客者皆於其既退乃拜之故不答拜亦異於迎  
也吉禮拜送者必再拜經或不見之文省耳

右戒賓

前期三日筮賓如求日之儀

正義鄭氏康成曰前期三日空二日也

賈疏二日中雖有宿賓宿

贊冠者及夕為期但非加冠之事故云空也

筮賓筮其可使冠子者賢者

恒吉冠義曰古者冠禮筮日筮賓所以敬冠事敬冠

事所以重禮重禮所以為國本 朱子曰前已廣戒

衆賓此又擇其賢者筮之以為正賓不吉則仍為衆

賓不嫌於預戒也

賈氏公彥曰筮賓者於僚友衆

士之中筮取吉者為加冠之賓也命筮雖無文宰贊  
盖云主人某以來日為適子某加冠筮某為賓庶幾  
從之若庶子則云庶子 教氏繼公曰筮賓如求日  
之儀是亦不過再筮而已初筮者若不吉則改筮其  
次者為正賓若次者又不吉則不復筮而即以第三  
者為正賓亦以初筮者為次賓也主人於賓既次第  
其先後矣然猶筮之者盖慮其異日或以他故而不  
及與則將廢冠事此乃非人之所能預知者故不可

不問於神而用舍一聽之雖或先後易位有不能盡如人意者亦不以為嫌也

通論賈氏公彥曰冠筮賓特牲少牢不筮賓者彼以祭祀之事主人自為獻主羣臣助祭而已天子諸侯之祭前已射於澤宮擇取可與祭者故不筮之也

案冠為人道之始賓必取人倫中有望者以為成人式彼鄉飲之賓必謀於先生不筮者從人望也冠賓乃已之僚友宜素知之矣然不遽自決又不宜品第

其可否以謀於人故決之鬼神若祭祀則所重者尸但筮尸而已賓直助祭無庸筮也

### 右筮賓

乃宿賓賓如主人服出門左西面再拜主人東面答拜

正義鄭氏康成曰宿進也

賈疏謂進之使知冠日當來

宿者必先

戒

賈疏若上文已戒賓今又宿之也

戒不必宿

賈疏即上文所戒之賓除正賓及贊冠者

外但戒使知之而已後不更宿也

其不宿者為衆賓或悉來或否

賈疏

賓與贊冠者戒而又宿不得不來衆賓非要須來容有不來者故直戒不宿也

主人朝服

賈疏



以上筮日時朝服至此無改服之文知之

左東也出以東為左入以東為

右 朱子曰此云宿賓言主人往而宿之以目下事

如篇首筮于廟門之例 敖氏繼公曰既筮即宿賓

故云乃宿之為言速也速之使來也不曰速而曰宿者以其事在異日也賓尊故主人親宿之出門左出大門而左也西面再拜拜其辱也禮又謂之拜迎

通論賈氏公彥曰案鄉飲酒鄉射主人戒賓及公食大夫使大夫戒各以其爵皆是當日之戒理無宿也

又大射宰戒百官有事于射者射人戒諸公卿大夫  
射司士戒士射與贊者前射三日宰夫戒宰及司馬  
皆有戒而無宿若特牲禮前期二日宿尸前無戒而  
直有宿者文不具其實亦有戒也祭統云先期旬有  
一日宮宰宿夫人注云宿讀為肅夫人尊故不言戒  
而變言宿讀為肅者亦戒之意

案宿字義或訓進或訓肅或訓夙或訓速然音義可  
相通也蓋肅之使進以致其速也

乃宿賓賓許主人再拜賓答拜主人退賓拜送

正義鄭氏康成曰乃宿賓者親相見致其辭

宿贊冠者一人亦如之

正義鄭氏康成曰贊冠者佐賓為冠事者謂賓若他

官之屬

賈疏冠事即下文坐櫛設纓卒紼諸事助賓成禮故取其屬為之

宿之以筮

賓之明日

賈疏下厥明夕為期是冠前一日宿賓宿贊在厥明之上則去冠前二日矣筮賓是

前期三日則宿賓贊冠者是筮賓之明日可知

朱子曰佐賓雖輕亦必擇

其賢而習禮者為之不然則有闕故并宿之使必來

也。教氏繼公曰：贊冠者，一人贊者之長也，尊次于正賓。如鄉飲酒之介，然故亦親宿之。若衆賓則或使人宿，其禮簡，故不著鄉飲酒禮。惟言主人戒賓及介之儀，而於衆賓則闕焉。例正與此類。宿賓及此贊冠者，其禮與辭皆同，惟以先後為別。

案贊冠者，即次賓也。與正賓德位相埒，但卜而吉者為正賓，其未卜若卜而未吉，則為贊冠者耳。注疏以賓上士贊冠者，中士下士為言，不可泥。

右宿賓

厥明夕為期于庑門之外主人立于門東兄弟在其南少退西面北上有司皆如宿服立于西方東面北上

正義鄭氏康成曰宿服朝服也兄弟主人親戚也

賈氏公彥曰期加冠之期也必于庑門者以冠在庑也主人之類在門東賓之類在門西各依賓主之位案西面面向西也北上立位以北為上也凡經言面位放此兄弟兼伯叔父及兄弟之子皆在焉不專指

同輩行者經之通例皆然故注云主人親戚也

擯者請期宰告曰質明行事

擯臂  
印反

正義鄭氏康成曰擯者有司佐禮者在主人曰擯在

客曰介

賈疏聘禮及大行人皆在主人曰擯在客稱介亦曰相司儀每門止一相是也

質正

也旦日正明行冠事 教氏繼公曰請期東面少牢

禮主人南面宗人北面請祭期

告兄弟及有司

正義鄭氏康成曰擯者告也 賈氏公彥曰上文兄

弟有司皆已在位必告之者禮取審慎之義 敖氏  
繼公曰此告兄弟蓋東北面告有司蓋西北面也特  
牲禮宗人東北面告濯具

告事畢

正義鄭氏康成曰宗人告也

賈疏約上文並日時  
宗人告事得知也

擯者告期于賓之家

正義賈氏公彥曰於夕為期即得告之者以共仕於  
君其家必在城郭之內相近故也 敖氏繼公曰別

言擯者事更端也賓謂賓及衆賓也

右為期

夙興設洗直于東榮南北以堂深水在洗東

直音值深式陰反

正義鄭氏康成曰夙早也興起也洗承盥洗者棄水

器也

賈疏盥手洗爵之時恐水穢地以洗承盥洗水而棄之故云棄水器

士用鐵

賈疏案漢

禮器制度洗士用鐵大夫用銅諸侯用白銀天子用黃金

榮屋翼也

賈疏即今之搏風云榮者

與屋為榮飾言翼者與屋為翅翼也

周制自卿大夫以下其室為夏屋

水器尊卑皆用金罍其大小異

賈疏此亦案漢禮器制度

許氏



慎曰屋栳之兩頭起者為榮栳楣也 教氏繼公曰

爾雅楣謂之梁然則榮者乃梁東西之兩端也直東榮謂適當之水所以盥洗者也洗在東方則沃洗者宜西面故水在洗東 賈氏公彥曰堂深從堂廉北至房室之壁南北以堂深者洗去堂遠近取於堂上深淺假令堂深二丈洗亦去堂二丈以此為度凡度淺深曰深後竝放此

案榮在屋兩端之牆上其高視屋極少殺屋極之盡

處有鴟吻自鴟吻南北兩分迤邐而下或不盡檐而止以其當風故亦謂之搏風說文云栢楣也蓋自棟以下兼言之楣謂之梁指東西橫者棟楣廡皆是不謂南北縱者也

通論賈氏公彥曰案匠人夏后氏世室殷人重屋四阿鄭云四阿四注殷人始為四注則夏后重屋但兩下為之不四注矣故兩下屋名為夏屋周制卿大夫以下為夏屋兩下而天子諸侯皆四注故燕禮洗當

東雷鄭云人君為殿屋也喪大記升自屋東榮鄭以  
為卿大夫士其天子諸侯當言東雷也又少牢司宮  
設罍水于洗東有料鄭注設水用罍沃盥用料禮在  
此也此篇與昏禮鄉飲酒鄉射特牲皆直言水不言  
罍大射雖云罍水不云料又經內或有尊無洗或尊  
洗皆有又不言設之者文不具也其設洗與設尊先  
後不同者冠禮賓與贊共洗昏禮有夫婦御媵之等  
少牢特牲兼舉鼎不專為酒故皆先設洗鄉飲酒鄉

射先設尊者以其專為酒燕禮大射自相對大射先設尊燕禮先設洗也

陳服于房中西墉下東領北上

正義鄭氏康成曰墉牆也 賈氏公彥曰喪大記與士喪禮服或西領或南領此東領者嘉禮異於凶禮故士之冠時先用卑服北上便也 敖氏繼公曰東領統於主位也北上便其先取在南者

案所陳之服即下文爵弁皮弁玄端三服也房在室

之東北上者爵弁服在北皮弁服次南玄端最南

爵弁服纁裳純衣緇帶韎韐

纁許云反注今文纁皆作熏韎音妹韐音閣

正義鄭氏康成曰此與君祭之服

賈疏士禮玄端自祭以爵弁服助君

祭

雜記曰士弁而祭于公爵弁者冕之次

賈疏凡冕以木為體

長尺六寸廣八寸以三十升麻布衣之上玄下纁前後有旒爵弁制大同惟無旒而爵色為異又冕者俛也低前一寸二分故名冕爵弁則前後平以其尊次於冕故云冕之次其色赤而微黑

如爵頭然

賈疏鍾氏七入為緇若以纁入黑則為紺以紺入黑則為緇是三八赤再入黑故云

赤而微黑也爵頭赤多黑少故以為喻

或謂之緇

賈疏緇言色赤者對緇為赤若將緇比纁

則又黑多矣故鄭注中車雀飾云雀黑多赤少之色也

其布三十升

賈疏蓋取冠倍之義

喪服衰三升故冠六升朝服十五升故冕三十升也

纁裳淺絳裳凡染絳一入

謂之緇再入謂之赭三入謂之纁朱則四入與

賈疏詩我

朱孔陽毛傳云朱深纁也故從一染至三染皆謂之淺絳若以纁入赤則為朱上注解玄緇故引鍾氏染

黑法此注解纁故引爾雅染赤法

純衣絲衣也餘衣皆用布惟冕與

爵弁服用絲耳

賈疏雜記朝服十五升布此據朝服玄端服及深衣長衣之等皆以布為

之先裳後衣者欲令下近緇明衣與帶同色韎韐緇

韐也

賈疏此經云韎韐玉藻云緇韐二者一物

士緇韐而幽衡

賈疏玉藻文言幽衡

同繫于草帶  
故連引之

合韋為之士染以茅蒐因以名焉今齊

人名蒨為韎韐

賈疏爾雅如蒨茅蒐孫氏注一名蒨可以染絳周時名蒨為韎以韎染韋

合之為韐故  
名韎韐也

韐之制似韠

賈疏但有飾無飾為異耳明堂位有虞氏服韐夏后

氏山殷火周龍章鄭云天子備飾諸侯火而下卿大夫山士韎韋而已是士無飾不得單名韐是韐與韠

制同飾異也

冠弁不與衣陳而言於上以冠名服耳

賈疏陳服

則於房緇布冠皮弁爵弁在堂下是冠弁不與服同陳今以弁在服上並言之者以冠弁表明其服耳不謂同陳之也

賈氏公彥曰凡衣與冠同色者先言衣後

言裳今爵弁與衣異故退純衣於下使與帶同色也

敖氏繼公曰爵弁服士之上服也純衣絲衣而緇色者也周官云純帛論語云今也純此其徵矣言纁裳於衣上者以其與冕服之裳同尊之也韎者韋之蒨者也韍制如韍不曰韍者尊之異其名其在冕服者尤尊則謂之韍

案爵弁服用絲固也皮弁服亦已非布矣下節詳之通論賈氏公彥曰鄭解純或為絲或為色此經玄衣與纁裳相對上玄下纁昏禮女次純衣下云女從者



畢袵玄其色自明故決為絲黻祭服也其他服謂之  
韠易朱黻方來利用享祀是祭服之黻用朱但天子  
純朱諸侯黃朱為異耳

皮弁服素積緇帶素韠

正義鄭氏康成曰此與君視朔之服也

賈疏玉藻諸侯皮弁聽朔

於大廟又論語素衣麕裘鄭云此視朔時君臣同服之服也

皮弁者以白鹿皮為

冠象上古也

賈疏上古以白鹿皮冒覆頭鉤領繞項禮運先王未有麻絲衣其羽皮至黃帝

則有冕積猶辟也以素為裳

賈疏素謂白緇

辟蹙其要中

教

氏繼公曰皮弁次於爵弁亦士之尊服也其衣蓋亦絲衣而色如其裳二弁之衣用絲者宜別於冠服也賈氏公彥曰喪服注云祭服朝服辟積無數惟喪服裳幅三袷有數耳

存疑鄭氏康成曰皮弁之衣用布亦十五升

賈疏雜記朝服

十五升布此皮弁亦天子之朝服故亦十五升布也

其色象馬

賈疏象皮弁之色用白布也

敖氏繼公曰裳之辟積亦幅三袷

案布自十二升以下皆喪服也十三升十四升介於

吉凶之間疑似難分故不用至十五升則為吉布但以布緣之曰麻衣大祥之服也以素繒緣之曰長衣其在衣內曰中衣以采緣之則曰深衣皆連衣裳者也若殊衣裳者以采緣之則曰素端齊服也白布之用止此矣緇之則為玄端服玄裳黃裳雜裳皆布也朝服衣與玄端同而用皮弁服之裳裳則以素繒為之非布矣故鄭云玄端即朝服之衣易其裳耳是也以此差之則皮弁服素衣素裳皆素繒而非布明矣

若以白布則皮弁服轉在朝服玄端之下也而可乎  
皮弁雖天子之朝服然名之曰皮弁服不名朝服矣  
豈得以朝服之布比而同之至禮服之裳與喪服之  
裳前三幅後四幅則同其辟積之多寡疎密未必盡  
同盖有章之服加刺繡焉刺繡之處辟積則疏固不  
必幅幅而均齊之也

玄端玄裳黃裳雜裳可也緇帶爵韠

正義鄭氏康成曰此莫夕於朝之服

賈疏玉藻朝玄端夕深衣注謂

大夫士也大夫士既服玄端深衣以聽私朝矣此注云莫夕於朝之服是士向莫時夕君之服朝禮備夕禮簡故以夕言之若卿大夫之夕於君當亦朝服也玄端即朝服之衣賈疏朝服亦名端論語端章甫鄭云端諸侯視朝之服以十五升布染緇色正幅為之易其裳耳雜裳

者前玄後黃易曰夫玄黃者天地之雜也天玄而地

黃不以玄冠名服者是為緇布冠陳之士爵韋為韠

玉藻曰韠君朱大夫素士爵韋賈氏公彥曰此玄

端服服之下故後陳於皮弁之南三服同用緇帶者以士唯有一緇裨之帶故三服共之裳有三等爵亦

雜色故同爵韠大帶所以束衣草帶所以繫韠及佩  
不言草帶者舉韠有草帶可知上莖日玄冠朝服緇  
帶此玄端亦緇帶彼朝服素韠韠同裳色則裳亦素  
此易以三等裳同爵韠則韠亦易矣 教氏繼公曰  
玄端士之正服也玄端玄裳謂玄端之服以玄者為  
正若無玄裳亦許其用黃裳若雜裳故曰可也雜裳  
者或前玄後黃或前黃後玄也黃裳雖貶於玄裳然  
其色純故言於雜裳之上

存疑鄭氏康成曰上士玄裳中士黃裳下士雜裳

賈疏

此無正文以諸侯之士有三等故分三等裳以當之

賈氏公彥曰三裳之下

云可者見三等之士各有所當當者即服之也

案玄端玄裳黃裳雜裳可也皆爵韞特牲記文與此同彼謂尸祝佐食也蓋恐貧者或不能備服故此以通之云可也言不必拘耳注疏以三等士當之臆說無據且朝服玄端已仕未仕者通行之禮服若限以三等之士則未仕者當服何裳而士之助祭者皆朝

服玄冠緇帶緇韠賓兄弟公有司私臣皆在焉又何  
以同服乎又玉藻朝玄端夕深衣士居家之常服若  
朝於君則朝服鄭意莫夕於朝當降一等服玄端故  
云此莫夕於朝之服耳非謂服玄端之處止於此也  
然聘禮使者朝服帥衆介夕則夕亦朝服不玄端矣  
三服或備三帶其為緇帶則一耳故疏云三服共之  
緇布冠缺項青組纓屬于缺緇纓廣終幅長六尺皮弁  
弁爵弁弁纁組纁纁邊同篋

冠如字下同缺鄭音類去  
蔡反教讀如字屬音燭纁



所綺反又所買反廣古曠反長直  
亮反筭音雞絃音宏篋苦協反

正義鄭氏康成曰屬猶著纚今之幘梁也

賈疏舉漢法為況鄭

目驗而知至今久遠未審也

終充也纚一幅長六尺足以韜髮而

結之矣

賈疏既云韜髮乃云結之則韜訖乃為紒矣

筭今之簪有筭者屈

組為紒垂為飾

賈疏有筭者即皮弁爵弁是也屈組謂以一條組於筭左頭繫定繞頤下

右相向上仰屬於筭屈繫之有餘因垂為飾也

無筭者纓而結其條

賈疏無筭者即

緇布冠是也謂以二條組為纓兩相屬於缺屬訖所垂條於頤下結之

纚邊組側赤也

賈疏以緇為中以纚為邊側而織之

同篋謂此以上凡六物

賈疏六物者缺項青

組纓屬于缺為一物緇纓二物皮弁弁三物爵弁弁  
四物緇組紘纁邊皮弁爵弁各有一為二物通前四  
為六  
隋方曰篋賈疏爾雅無文此對筭方而不隋也隋謂狹而長 敖氏繼

公曰下經言賓受冠右手執項左手執前則是冠後  
亦謂之項也此缺項者蓋別以緇布一條圍冠而後  
不合故名之曰缺項謂其當冠項之處則缺也其兩  
端有緇別以物貫穿而連結之以固冠其兩相又皆  
以纓屬之而結於頤下以自固蓋太古始為冠之時  
其制如此後世之冠縫著於武亦因缺項之法而為

之也纚舊說謂繒為之言纚於缺項二笄之間見三  
加同一纚也紃弁之繫也以組一條為之冠用纓弁  
用紃

存疑鄭氏康成曰缺讀如有頰者弁之頰緇布冠無  
笄者著缺圍髮際結項中隅為四綴以固冠也

賈疏此無

正文以義言之既別有缺項明於四隅為綴上綴於武然後得安穩也

項中有緇亦由

固缺為之耳

賈疏亦無正文以義言之缺之兩頭皆為緇別以繩穿緇中結之然後缺得安

也固今未冠笄者著卷幘頰象之所生也

賈疏此亦舉漢法以況義

辨正陳氏祥道曰鄭說缺項之制盖有所傳讀缺為  
頰無所經見

案缺項之解敖氏為長詩毛傳以頰為弁貌非冠上  
之物也鄭讀為頰義無取焉然缺項另為一物鄭固  
不甚繆也近有謂緇布冠缺其後項者無論冠缺則  
不成冠矣缺項連纓在篋緇布冠在匱豈可混二為  
一乎

存異呂氏大臨曰以布為卷幘約四垂短髮而露其

髻冠禮謂之缺項冠者先著此缺項而後加冠古者有罪免冠而缺項存因謂之免喪服恐與冕弁之冕音相亂故改音問

案缺項著於冠外呂氏謂先著缺項而後加冠繆也又以袒免之免混言之亦昧於吉凶之分矣

通論賈氏公彥曰周官弁師掌五冕王之皮弁玉笄則天子以玉為笄祭義天子冕而朱紘諸侯冕而青紘諸侯之笄亦當用玉矣又弁師韋弁與皮弁同科

皮弁有笄則韋弁亦有笄矣又為笄者屬纓不見有  
綏則六冕無綏矣士緇布冠無綏下記云其綏也吾  
未之聞也若諸侯亦以緇布冠為始冠則有綏玉藻  
緇布冠續綏諸侯之冠也鄭注云尊者飾也其大夫  
絃禮器管仲鏤簋朱絃鄭注云大夫士當緇組絃纁  
邊是也其笄亦當用象

櫛實于簞

櫛莊乙反  
簞音丹

正義鄭氏康成曰簞筭也

賈疏鄭注曲禮圖曰簞方  
曰筭方圓有異此簞筭為

一物者  
舉其類

蒲筵二在南

正義鄭氏康成曰筵席也

賈疏鄭注周官司几筵云數陳曰筵藉之曰席散言

之則筵席通故諸敷席在地者多言筵也

賈氏公彥曰二者一為冠子

即下云筵于東序少北是也一為醴子即下云筵于戶西南面是也在南者最在南頭對下文甒醴在服北也

案在南言在三服之南通指篋與簞不專言蒲筵也

簞在篋南筵在簞南

側尊一甒醴在服北有篋實勺觶角柶脯醢南上

甒無反

音武篋方尾反勺上灼反觶支義反柶音四醢音海注古文甒作庶

正義鄭氏康成曰側猶特也無偶曰側置酒曰尊側

者無玄酒

賈疏昏禮亦云側尊甒醴于房中又云合升側載士虞禮側尊皆是無偶為側也

服北者纁裳北也篋竹器如筴者

賈疏亦舉漢法為況

勺尊升

所以斟酒也

賈疏少牢罍水有料與此勺為一物故云尊升對彼是罍料所以斟水則此為

尊料斟酒者也

爵三升曰觶

賈疏韓詩外傳一升曰爵二升曰觶三升曰觶四升曰角五升



曰散相對爵解有異散文則通皆曰爵故鄭以爵名解也

柶狀如匕

教氏繼公曰蓋如有司徹

所謂挑匕者也

以角為之者欲滑也

賈疏對士喪禮用木柶者喪反吉也

南上

者篚次尊邊豆次篚

教氏繼公曰尊設尊也甒瓦

甒醴尊設于房臣禮也國君則於東箱南上醢在北

爵弁皮弁緇布冠各一匱執以待于西坫南南面東上

賓升則東面

匱素管反坫丁念反注古文匱為墓坫為檐

正義賈氏公彥曰上文舉冠以表服冠實不陳此專

為冠言之

鄭氏康成曰爵弁者制如冕黑色但無

纁耳

弁師注纁合五采絲為繩垂於紕之前後以貫旒玉者

周官王之皮弁會

五采玉璫象邸玉笄

弁師注會縫中也璫讀如綦謂結也皮弁之縫中每貫結五采

玉十有二以為飾邸下抵也以象骨為之

諸侯及孤卿大夫之冕皮弁各

以其等為之

賈疏弁師注云纁旒玉璫如其命數

則士之皮弁又無玉

無象邸飾

賈疏弁師注云士變冕為爵弁其韋弁皮弁之會無結飾

緇布冠今小

吏冠其遺象也

賈疏士初加之冠冠訖敝之不用庶人則常著之故詩云臺笠緇撮漢之

小吏亦常服之故舉為況

匱竹器名今之冠箱也執之者有司也

玷在堂角

敎氏繼公曰爵弁皮弁其制同也弁冠

特別於西方而統於賓蓋以賓專掌冠事使若賓之物然執匱者皆主人之贊者也南面而東上及東面則北上矣 李氏如圭曰西坵堂西南隅之坵也

案冠弁是主重於他器服故執之而不陳其序在陳器服後者為執以待事也冠也弁也冕也三者首服之大分則教氏謂二弁制同者近之爵弁或以爵色之繒為之則爵弁韋弁別矣注謂有板如冕未詳所據互見喪服記

通論賈氏公彥曰玷有二若明堂位崇玷論語反玷  
皆在廟中以亢圭反爵此所言者則據堂上角為名  
存疑陳氏祥道曰士之服止於爵弁而荀卿云士韋  
弁孔安國曰韋韋弁也則爵弁即韋弁耳古文弁字  
象形則其制上銳如合手然韋其質爵其色也 敖  
氏繼公曰陳氏以爵弁即韋弁其說近是攷經傳物  
色之言爵者爵弁之外惟爵韠爵韋耳若絲與布則  
不聞以爵名者豈爵弁果以韋為之與然禮經言士

之服則曰爵弁言大夫以上之服則曰韋弁是其物雖同而名則以尊卑而異禮文殘缺未能定也

右陳服器

主人玄端爵韠立于阼階下直東序西面

阼才故反

正義鄭氏康成曰玄端士入廟之服也

賈疏特牲士禮祭服用玄

端此亦士之加冠在廟故與祭同服

阼猶酢也東階所以答酢賓客也

堂東西牆謂之序

賈疏爾雅釋宮文

賈氏公彥曰玄端爵

韠與上所陳為子加冠之玄端服一也立于阼階下

將欲與賓行禮也直當也謂當堂上東序牆也 敖  
氏繼公曰玄端不言冠者可知也主位謂之阼故東  
階曰阼階下云禮于阼是也

通論朱子曰凡牆在堂上者謂之序堂下者謂之壁  
在房室與夾者謂之墉在庭者謂之牆其實一也隨  
在異其名耳

兄弟畢袵玄立于洗東西面北上

袵止引反又至印反  
又音真注古文袵為

均

正義鄭氏康成曰畢猶盡也袷同也玄者玄衣玄裳

也

賈疏以其同玄故知上下皆玄

緇帶韠

賈疏緇亦玄之類因士有緇帶故韠亦言緇

位

在洗東退於主人

賈疏主人當序南西面洗當東榮兄弟又在洗東故云退於主人

不爵韠者降於主人也

賈疏韠弁同色主人尊故也兄弟用緇韠不用爵韠兄弟

卑故也

敖氏繼公曰袷如袷絺綌之袷乃被服之別

稱玄玄端也畢袷玄謂盡服玄端也洗東於主人為

東南

案注言緇韠者蓋以特牲助祭者皆緇韠而推之也

疏謂韞弁同色未詳豈以主人之爵韞與爵弁服之韞韜同與

賓者玄端負東塾

正義鄭氏康成曰東塾門內東堂

賈疏賓者是主人  
賓相事在門內故

知在門  
內東堂

負之北面

賈疏向  
主人也

敖氏繼公曰此見其少

東於入門右之位也東塾西塾其北蓋與東西堂相對而廣亦如之 楊氏復曰不言如主人服者兄弟衣裳同而韞異賓者衣韞同而裳異



存疑賈氏公彥曰擯者別言玄端不言如主人服則與主人不同與下贊者玄端從之同可知

辨正朱子曰三者玄端一也主人玄裳爵韠兄弟玄裳緇韠擯者黃裳或雜裳而同用爵韠也

存異敖氏繼公曰立于塾北而云負則塾之崇其過於堂與

案鄉之則曰面背之則曰負非必所背者高而謂之負也況云負東塾則塾已高亦猶之負墉矣非必其

地之高而謂之負也塾之崇過於堂必無是理經凡  
言由塾及出入于門者皆無升降之文足以見之如  
其言天子之堂崇九尺其塾反得十數尺邪

將冠者采衣紒在房中南面

紒音髻又音界  
注古文紒為結

正義鄭氏康成曰采衣未冠者所服玉藻曰童子之  
節也緇布衣錦緣錦紳并紐錦束髮皆朱錦也

賈疏  
紳大

帶之垂者并其紐皆以錦飾之  
束髮總也童子尚華飾故衣此紒結髮 教氏繼公

曰童子之衣蓋亦深衣制也曲禮童子不衣裘裳不

裳則連裳於衣矣紒露髮為紒也凶時謂之髻吉時  
謂之紒內則言男子未冠者亦用纚此乃紒者為將  
冠去之 朱子曰以上下章考之則房戶宜當南壁  
東西之中而將冠者宜在所陳器服之東當戶而立  
也

右即位

賓如主人服贊者立端從之立于外門之外

正義鄭氏康成曰從猶隨也外門大門 賈氏公彥

曰賓如主人服尊卑同也贊者皆降主人一等其衣冠雖同其裳則異故別言玄端 敖氏繼公曰贊者贊冠者而下之衆賓也皆俟於賓之門賓出乃從之立于主人外門之外西方東面北上

通論賈氏公彥曰此兄弟及賓贊皆玄端特牲主人與尸祝佐食玄端自餘皆朝服者彼助祭在廟緣孝子之心欲得尊嘉賓以事其祖禰故朝服與主人異也

擯者告

正義教氏繼公曰上言擯者負東塾則在廟也至是則賓之將命者入告擯者擯者東面以告主人也此賓乃主人戒宿而來故不出請事

主人迎出門左西面再拜賓答拜

正義教氏繼公曰答拜不言再可知也凡答再拜而不言其數者皆放此

主人揖贊者與賓揖先入

正義鄭氏康成曰贊者賤揖之而已又與賓揖先入道之贊者隨賓 敖氏繼公曰揖贊者尊正賓也 賈氏公彥曰前拜賓訖今又揖者為將先入故

每曲揖

正義鄭氏康成曰周左宗廟

賈疏祭義小宗伯俱有此文對殷右宗廟也

入外門將東曲揖直廂將北曲又揖 賈氏公彥曰入大門而東則主人在南賓在北俱東向為一曲至廂門則主人在東賓在西俱北向為一曲當將曲之

時賓主皆相見故皆一揖通下將入廂門揖為三也

敖氏繼公曰每曲揖謂大門之內廂門之外賓主於凡所行曲折之處則相揖也主人迎賓入門右西面而立賓入門左東面乃折而北又折而東又折而南與主人相鄉而前乃東行入閤門主人入門右賓入門左接西塾東面而立主人折而東又折而北又折而西與賓相鄉而前乃北行入禰廂也凡主人以賓入而有每曲揖者惟將入廂之禮然其餘則否

至于廟門揖入三揖

正義鄭氏康成曰入門將右曲揖將北曲揖當碑揖

賈疏入廟門主人將右欲背客宜揖將北曲與客相見又揖碑是庭中之大節又宜揖碑在堂下三分庭

一在北

教氏繼公曰揖入主人揖而先入門右西面

也賓入門左贊者皆入門左東面北上主人乃與賓  
三揖三揖者於入門左右之位揖參分庭一在南揖  
參分庭一在北揖凡經言三揖放此

案教氏三揖之說與注疏異初疑其不然然讀鄉飲



酒禮衆賓皆入門左北上主人與賓三揖鄉射禮衆賓皆入門左東面北上賓少進主人以賓三揖夫東面北上而後三揖則方其至雷而曲固不揖也賓少進乃有三揖則初北面時亦不揖也於此分三揖之部位則於入門左右少進一揖參分庭而南北各一揖乃勢之不得不然者矣至設碑之節舊謂參分庭一在北教氏謂當南北之中語見聘禮但注疏承習已久姑兩存之以俟學者自擇焉所以相揖者鄭注

聘禮云相人偶是也

通論賈氏公彥曰昏禮注至內雷將曲揖既曲北面  
揖當碑揖又聘禮鄉飲酒入三揖注皆據此三節其  
義不異

至于階三讓

正義敖氏繼公曰讓據主人言主人三讓賓三辭既  
則主人先升一等賓從之凡讓升之法賓主敵則主  
人先讓而先升主人尊亦然若賓尊則賓先讓而先

升也惟天子之使則不讓

主人升立于序端西面賓西序東面

正義鄭氏康成曰主人賓俱升立相鄉序端東序頭  
敖氏繼公曰主人立于序端北當序也賓在西序  
負序也主人不立于東序者辟子之坐且不參冠禮  
也賓不言升省文 賈氏公彥曰位定將行冠禮不  
拜至者冠子非為賓客故異於鄉飲酒之等也

右迎賓

贊者盥于洗西升立于房中西面南上

盥古婉反音管  
注古文盥皆作

浣

正義鄭氏康成曰盥于洗西由賓階升也

賈疏案鄉飲酒主人

在洗北南面賓在洗南北面蓋主人從內賓從外來之便贊亦從外來但卑不可與賓並故在洗西東面

立于房中近其事也

賈疏與主人贊者先入房竝立待事

南上尊於主

人之贊者

賈疏贊冠一人而云南上明與主人贊者為序又主人尊敬賓之贊者故位在南而

居上也

朱子曰贊者西面則負東墉而在將冠者之

東矣 敖氏繼公曰盥者重冠禮故將執事而自潔

清也盥于洗西者洗西無篚故得辟正賓而盥于此  
不然則否房中南上賓位也特牲記房中西墉下內  
賓東面南上是也

主人之贊者筵于東序少北西面

正義鄭氏康成曰筵布席也東序主人位也適子冠  
于阼少北辟主人 賈氏公彥曰為將冠者布席也  
教氏繼公曰主人之贊者私臣也此席南上

案左氏傳言士有隸子弟而特牲禮士有私臣蓋隸

子弟之類即可謂之私臣有事則執其勞役主人之贊者教氏以為私臣是也如鄭說即一士而冠昏喪祭需人多矣安所盡得中士下士而驅使之哉

存疑鄭氏康成曰主人之贊者其屬中士若下士

將冠者出房南面

正義鄭氏康成曰南面立于房外之西待賓命

賈疏知在

房外之西不在東者以房外之東南當阼階故是知房外者皆在西昏禮母南面于房外女出于母左母在房外之西故也朱子曰據此疏則阼階切近東序之西正當房戶之東壁矣

贊者奠纚笄櫛于筵南端

注古文櫛為節

正義鄭氏康成曰贊者賓之贊冠者也

賈疏凡言主人之贊者即

加主人字今此不言故知是賓之贊冠者

奠停也

賈氏公彥曰前缺項

已下六物同一篋陳于房今將用之故取置于將冠

之席南不言餘物及篋簞者皆來可知也 教氏繼

公曰奠猶置也置于筵南端以將冠者升降由下也

賓揖將冠者將冠者即筵坐贊者坐櫛設纚

正義教氏繼公曰欲其即筵以揖見意也下文凡揖

者多類此贊者坐櫛設纚宜於筵後為之不言者可  
知也 鄭氏康成曰即就設施 賈氏公彥曰二事  
皆勞役之事故贊者為之

通論朱子曰古人坐法以膝著地兩蹠向後如今之  
跪經凡言坐皆然

賓降主人降賓辭主人對

正義鄭氏康成曰主人降為賓將盥不敢安位也辭  
對之辭未聞 敖氏繼公曰主人以賓為已事而降



則不敢安於上而從之凡賓主從降之義皆然其異者則別見主人降亦立于阼階東當東序西面辭者謂主人無事不必降也蓋於階前辭之主人少進既則復位

賓盥卒壹揖壹讓升主人升復初位

注古文壹皆作一

正義鄭氏康成曰揖讓皆壹者殺於初賈氏公彥

曰初位謂東序端敖氏繼公曰賓盥當于洗南北

面一揖揖賓進也一讓禮宜殺於初也升亦主人先

而賓從之惟云主人復初位見賓之不然

案此無三揖之位故但一揖也一讓固殺於初亦以承一揖之禮而然

賓筵前坐正纚興降西階一等執冠者升一等東面授

賓

冠如字

正義鄭氏康成曰正纚者將加冠宜親之興起降下也下一等升一等則中等相授冠緇布冠也 教氏繼公曰士階三等堂不與焉此降階一等蓋并堂為

卷一  
二等也東面授賓則賓西面受之授冠時亦以匱既則以匱退

通論賈氏公彥曰案考工記匠人天子之堂九尺賈馬以為九等為階是諸侯堂宜七尺則七等階大夫堂宜五尺則五等階士宜三尺則三等階也

賓右手執項左手執前進容乃祝坐如初乃冠興復位

贊者卒

項胡港反祝至宥反下同

正義賈氏公彥曰冠後為項下皮弁爵弁無缺項皆

云執項知非缺項也 教氏繼公曰右手執項以冠

時進右手便也容者示之以威儀 鄭氏康成曰進

容者行翔而前鶴焉

賈疏翔謂行而張拱也鶴與蹠同容貌舒揚也曲禮曰堂下不

趨室中不翔則堂下固得翔矣又曰大夫濟濟士蹠蹠注云皆行容止之貌此進容是士故知行翔而前

也至則立祝坐如初坐筵前復位西序東面卒謂設

缺項結纓也

賈疏下丈皮弁贊者卒紘此緇布冠無筓紘故卒者終缺項與結纓也

案賓之行禮無時非容獨於此言之者盖加意為之

示冠者以觀法也

冠者興賓揖之適房服玄端爵韠出房南面

正義敖氏繼公曰服玄端爵韠亦贊者為之不言帶與屨可知也下皆放此 鄭氏康成曰復出房南面

者一加禮成觀衆以容體

朱子曰  
觀示也

右始加

賓揖之即筵坐櫛設筭賓盥正纚如初降二等受皮弁右執項左執前進祝加之如初復位贊者卒紘

正義賈氏公彥曰冠者坐訖當脫去緇布冠乃更櫛

也筭有二種一是紒內安髮之筭一是冕弁固冠之  
筭此未加冠而設筭明是安髮筭也緇布冠亦宜有  
之彼不言者恐與上兩弁之筭相亂又此言設筭彼  
言設纚可互見矣其皮弁固冠之筭則賓加弁時自  
設之可知 鄭氏康成曰如初為不見者言也卒紒  
謂繫屬之

賈疏有筭者屈組以為紒仰屬之  
左相繫定右相屈繫擬解時易

敖氏

繼公曰不言去冠去纓及設纚可知也卒紒謂終其  
設紒之事其設之也先繫一端於筭之左端繞頤下

而上復繫一端於筭之右端所以固筭也

存疑教氏繼公曰筭皮弁筭也設筭于加弁之前則此筭之度其短與

案教氏蓋謂兩筭不并用也然以經文求之櫛而即設筭則尚非皮弁筭也既加皮弁又不得不以皮弁筭筭之何嫌二筭乎且筭之兩端必出於弁外然後紘可屬也則其度當不甚短而亦不可設之於加弁之前矣

興賓揖之適房服素積素鞞容出房南面

正義賈氏公彥曰興謂冠者加皮弁訖起而賓揖之  
也不言緇帶可知也加緇布冠時出亦有容至此益  
盛乃言之鄭氏康成曰容者再加彌成其儀益繁  
敖氏繼公曰上不見皮弁之衣故此亦不言之皆  
省文也容與進容之意同再加祝云敬爾威儀此言  
容出房見其奉賓戒也

案始加云進容乃祝言賓之自正其容示冠者以觀



法也此再加云容見冠者知棄其幼志自敬其威儀  
矣

右再加

賓降三等受爵弁加之服纁裳韎韐其他如加皮弁之  
儀

正義鄭氏康成曰降三等下至地他謂卒紘容出  
敖氏繼公曰受爵弁降三等者以其最尊故就而受  
之不言純衣亦文省他謂賓揖之即筵而下凡所不

見者也云如皮弁之儀者以設筭卒紘容出惟與再加者同也

通論教氏繼公曰雜記言褻者受服之節云受爵弁服于門內雷皮弁服于中庭朝服于階玄端于堂其尊者遠而卑者近義與此受冠弁之等相類

徹皮弁冠櫛筵入于房

冠如字

正義鄭氏康成曰徹者賓贊及主人之贊者為之

賈疏

賓贊者奠櫛主人之贊者設筵故知還遣之也

賈氏公彥曰冠即緇布冠

不言緇布可知也皮弁具言者以有爵弁之嫌不言  
爵弁著之以受醴至見母兄弟姑姊訖乃易服故也  
敖氏繼公曰再加去冠三加去皮弁亦置于篋此  
所徹者篋與櫛之簞也不言缺項笄紘與冠弁同處  
可知也賓贊者徹篋簞主人贊者徹筵

總論陳氏祥道曰始加緇布不忘本也次加皮弁朝  
服也三加爵弁祭服也不忘本然後能事君能事君  
然後能事神

案陳氏以皮弁為朝服亦假借言之諸侯不以皮弁  
視朝士安得用之玄端亦祭服爵弁特助祭於君耳  
又案記言三王共皮弁素積再加也夏收殷尋周  
弁三加也則冠禮之三加其來舊矣或以初用玄裳  
為夏尚黑再用素積為商尚白三用纁裳為周尚赤  
以此為備三代之禮說則巧矣揆之經義何所取焉  
且夏后氏之已用素積也則謂之何

右三加

欽定儀禮義疏卷一

欽定四庫全書

覆校官檢討臣李學錦

校對官修撰臣張書勲

謄錄監生臣王應璧

欽定四庫全書薈要

經部

欽定儀禮義疏卷二

詳校官編修臣程嘉謨



欽定四庫全書薈要卷二千四百十五

經部

欽定儀禮義疏卷二

士冠禮第一之二

筵于戶西南面

義鄭氏康成曰筵主人之贊者戶西室戶西

賈疏以下

記醺於客位在室戶西醺醴同處故知也

敖氏繼公曰戶西即戶牖間

客位也筵于此者以其成人尊之不因冠位者遠辟主人也此席東上



通論李氏如圭曰寢廟以室為主故室戶專得戶名  
經凡言戶者皆室戶也房戶則兼言房以別之

贊者洗于房中側酌醴加柶覆之面葉

注古文  
葉為攜

正義鄭氏康成曰洗盥而洗爵

賈疏凡洗爵者先盥  
此經不具故注明之

昏禮曰房中之洗在北堂直室東隅篚在洗東北面

盥

賈疏引昏禮證房中  
有洗非在庭之洗也

側酌言無為之薦者

賈疏下  
直言薦

脯醢不別言其人是  
贊者自酌還自薦也

面前也葉柶大端

賈疏葉謂板  
醴之面柶細

故以為  
柶大端

贊酌者賓尊不入房

敖氏繼公曰洗洗解

也酌醴蓋西面云側明無佐之酌者凡贊者酌醴皆側也特於此見之覆之面葉為冠者祭時當覆手執枋也葉鄉外故云面

案贊者之洗為酌醴而洗觶也觶實於篚篚置房中與醴同在服北又贊者初位在房中三加之後仍入于房則洗于房中固其所便或疑篇中無北堂別置洗之文不知上云有篚實勺觶此云洗于房中蓋互見也少牢特牲主婦洗于房中亦不言房中設洗而

但言饌篚于房中與此同例柶醴匕也若今匙然葉  
即匙頭用時仰之贊者不自用故覆之以授也

通論賈氏公彥曰凡醴皆設柶此與昏禮云面葉者  
此以賓尊不入房贊者面葉授賓賓乃得面柶授冠  
者冠者得之面葉以扱醴而祭昏禮禮賓亦主人尊  
不入房贊者面葉授主人主人面柶以授賓賓得面  
葉以扱祭贊者皆訝授故也聘禮禮賓宰夫面柶授  
公者宰夫不訝授公側受醴則還面柶以授賓也

賓揖冠者就筵筵西南面賓受醴于戶東加柶面枋筵

前北面

枋彼命反注  
今文枋爲柄

正義鄭氏康成曰戶東室戶東

賈疏以冠者筵于室  
戶西賓自至房戶取

醴贊者酌醴出  
西鄉以授也

敖氏繼公曰贊者出房西面賓由

西序往故受醴于室戶東言面枋見其訝受也非所  
與行禮者而訝受辟君禮也固加柶矣復言之者見  
其更為之也筵前北面欲其受於席也

冠者筵西拜受解賓東面答拜

正義鄭氏康成曰筵西拜南面拜也賓還答拜於西

序之位東面者明成人與為禮異於答主人

賈疏案鄉飲酒

鄉射賓答主人拜於西階北面此西序東面故云異於答主人

敖氏繼公曰受解

于筵前乃復位醴用解以其質也東面答拜別於答

孤子孤子之冠行主人禮賓則北面答拜于西階上

通論賈氏公彥曰昏禮聘禮禮賓皆云拜送此但云

答拜者彼醴是主人物此醴非賓物故也

薦脯醢

正義鄭氏康成曰贊冠者也薦進也 教氏繼公曰

不言於席前可知也脯在西

冠者即筵坐左執觶右祭脯醢以柶祭醴三興筵末坐

啐醴捷柶興降筵坐奠觶拜執觶興賓答拜冠者奠觶

于薦東

啐七內反捷初洽反又作鍤又作扱  
石經教本竝作建注古文啐為呼

正義李氏如圭曰祭謂取少許祭先世造此食者不

忘本也 賈氏公彥曰祭醴三者如昏禮始扱一祭

又扱再祭也此啐醴不拜既爵者以其不卒爵也

鄭氏康成曰捷柶扱柶於醴中啐嘗也其拜皆如初

薦東薦左

賈疏薦左據南面為正

敖氏繼公曰祭脯醢以脯

祭濡醢而祭之古人飲食於其重者則有祭既祭不言右執觶可知也筵末席西端降筵坐於筵西也不卒爵故既啐則拜其意與拜既爵者同冠者升筵乃奠解不卒爵而奠解者此禮不主於飲也于薦東者堂上自奠其觶之節也籩豆云薦者上經云薦脯醢故因其事而名之後皆放此 郝氏敬曰祭則坐於

筵間飲則坐於筵末捷立也未祭覆觶上待用既祭  
插於觶中醴間也

通論李氏如圭曰凡醴不卒觶啐之而禮成奠觶之  
拜拜成禮也其卒觶者則卒觶乃拜

右醴冠者

降筵北面坐取脯降自西階適東辟北面見于母

見賢  
遍反

下同

正義教氏繼公曰取脯亦右取而左奉之必取脯者



見其受賜也執脯見於母因有脯而為之且明禮成也云適東辟而見之則是時母位在此與

存疑鄭氏康成曰適東辟者出闔門也

許氏慎曰闔宮中小門

朱子曰如今東西掖門蓋正門之外又有闔門在旁辟也

時母在闔門之外

賈疏冠子

母無事故在門外今子須見母故出闔門也

婦人入廟由闔門

賈疏雜記夫人奔喪

入自闔門鄭云宮中之門曰闔門為相通者也

案東房者婦人之位若有禮事母宜位于房中冠禮房中陳服贊者有事焉母不可以位于房也經但云

適東辟見于母不言出門則出闈門云者臆說耳且  
曰母在闈門之外則闈門之外者又何所乎蓋廟之  
左右有牆周之在西曰西辟特牲記饎饔在西辟是  
也在東曰東辟鄉射記俎由東辟及此經是也但饎  
饔則近堂之南取俎之處則近堂之北耳母位當在  
北堂之東北近東辟南面而立近於北堂亦位之宜  
也南面房中之正位也故放之子降自西階由西而  
東又折而北乃見之脯非以奉母明見醴耳士昏記

賓右取脯左奉之歸執以反命可以見義類矣

母拜受子拜送母又拜

正義鄭氏康成曰婦人於丈夫雖其子猶俠拜 朱

子曰古人坐即是跪低手祇揖便是肅拜故禮注云

肅俯手也母拜其子當如是 又曰凡婦人見男子

每先一拜男拜則答拜子冠見母亦如之重成人也

古人無受拜禮雖君亦然但臣見君則兩拜答一拜

耳 敖氏繼公曰子拜送亦再拜此拜非主於受送

也亦因有脯而言之耳凡婦人與丈夫為禮禮重者則俠拜

存異孔氏穎達曰冠子以酒脯奠廟訖子取脯以見於母母拜其脯重尊者處來故拜之非拜子也

辨正呂氏大臨曰冠禮所薦脯醢為醴子設非奠廟也蓋禮有斯須之敬母雖尊有從子之道故當其冠也以成人之禮禮之若謂脯自廟來拜而受之則子拜送之後其母又拜義復何居

餘論賈氏公彥曰不見父與賓者蓋冠畢則已見也  
教氏繼公曰不見父以難為禮也蓋此時冠者於  
凡所見者皆不先拜而答拜乃其禮當然耳父至尊  
是禮有不可行故闕之不見賓者賓既醴之則交拜  
矣是亦見也若復行禮則幾於褻

右見于母

賓降直西序東面主人降復初位

正義教氏繼公曰但云直西序則當南於階初位阼

階東直東序之位 鄭氏康成曰初位初至階讓升之位 賈氏公彥曰賓直西序則非初讓升之位主人直東序西面者欲迎其事聞字之言故也

冠者立于西階東南面賓字之冠者對

正義鄭氏康成曰對應也其辭未聞 敖氏繼公曰賓當少進乃字之

辨正賈氏公彥曰冠義既冠而字之見於母母拜之似字訖乃見母此經先見母乃字其實未字先見母

字訖乃見兄弟急於母緩於兄弟也記人以下有兄弟之等拜之故退見母於下使文近也

案冠者立于西階東乃西階下之東也是時冠主與賓俱降階尊者既降則卑者豈得在上經文自冠者見母後無升降之儀可以見之

右字

賓出主人送于廟門外

正義鄭氏康成曰不出外門將醴之 敖氏繼公曰

賓出而贊者不從以當與冠者為禮也

案賓出冠事畢也冠者不送禮不參

請醴賓賓禮辭許賓就次

正義鄭氏康成曰醴賓者謝其勤勞也次門外更衣

處

賈疏次者舍之名行禮衣服或與常服不同更衣之時須入於次

以帷幕簟席為

之

賈疏聘禮宗人授次次以帷又周官幕人掌帷幕幄席綬之事注云帷幕皆以布為之士卑或用簟

席是以雜記諸侯大夫喪皆用布士用簟席次亦當然

敖氏繼公曰請者有

白於人而恭孫之辭也醴亦謂以醴飲之也請醴之



辭士昏記有之此禮雖與彼異辭宜略同醴賓之禮  
一獻有俎有幣似饗矣乃曰醴者亦因用醴而名之  
通論朱子曰凡經內言醴者皆指其物而言此與醴  
冠者之醴皆謂以醴禮之也

存疑鄭氏康成曰此醴當作禮

賈疏周官天子禮諸侯用鬯不云鬯賓故

鄭破醴

為禮也

辨正李氏如圭曰士之醴子醴賓醴婦經皆作醴不  
必改為禮

右賓出就次

冠者見于兄弟兄弟再拜冠者答拜見贊者西面拜亦如之

正義鄭氏康成曰見贊者西面拜則見兄弟東面拜

贊者後賓出

賈疏贊者後出亦當就次待禮也

賈氏公彥曰兄弟

位在東方贊者賓之類故東面亦如之者贊者先拜

冠者答之也 敖氏繼公曰兄弟與贊者皆先拜之

亦重冠禮也兄弟位在洗東贊者位在西方亦當西

序

案不言見衆賓者於贊者中該之皆見可知也下經  
醴賓曰贊者皆與

入見姑姊如見母

姊將此反

正義鄭氏康成曰入入寢門也廟在寢門外如見母  
者亦北面姑與姊亦俠拜也不見妹妹卑 教氏繼  
公曰不見妹者未成人則不與為禮也

案注云不見妹妹卑教云未成人固是然弟亦卑未

成人見之何也弟在廟與諸人同見則見之妹在內則不必見也如笄而字者亦見之

右見兄弟姑姊

乃易服服玄冠玄端爵韠奠摯見于君遂以摯見於鄉

大夫鄉先生

冠如字摯亦作摯音至

正義鄭氏康成曰易服不朝服者非朝事也

賈疏朝服與玄

端同玄端則玄裳黃裳雜裳黑屨朝服則裳以素而屨色白也以俱正幅故朝服亦得端名

摯雉

也

賈疏士執雉

鄉先生鄉中老人為卿大夫致仕者

賈疏即鄉

飲酒鄉射所謂先生也先生亦有士不言者略之

賈氏公彥曰易服者爵

弁助祭之服不可服見君及大夫等也初冠時服玄端為緇布冠服以緇布冠冠而弊之故易玄冠配玄端也 敖氏繼公曰奠贄見于君謂執贄至下奠贄再拜稽首也不朝服以其未仕也所見者亦玄端見之鄉大夫鄉之異爵者或曰即主治一鄉者未知孰是先生德齒俱尊者也士相見禮曰士見於大夫終辭其贄於其入也一拜其辱見於先生之禮亦宜如

之

案見君與鄉大夫鄉先生終言之耳不必冠日亦不必同日也見君當於其早朝時鄉大夫鄉先生則皆有辭讓反見諸禮其不能一日而畢事可見矣國語晉趙文子冠見欒范諸卿則冠者之見大夫先生必加以訓辭是古義也

右見君見鄉大夫鄉先生

乃醴賓以壹獻之禮

正義鄭氏康成曰壹獻者主人獻賓而已無亞獻者

賈疏案特牲少牢主人獻尸主婦  
亞獻此則主人獻賓而已無亞獻  
獻酢酬賓主人各

兩爵而禮成

賈疏主人獻賓賓酢主人主人持酬賓先  
自飲訖乃酬賓賓奠而不舉是賓主人

各兩爵而禮成也又昏禮舅姑饗婦以一獻之禮奠  
酬記曰婦酢舅更爵自薦是備有酬酢鄉飲酒亦備

獻酢酬是  
其義也

特牲少牢饋食之禮獻尸此其類也

賈疏  
特牲

少牢主人主婦各一爵有亞獻此賓主

士禮一獻

賈疏

各兩爵無亞獻雖少不同義類同也

士冠及昏禮鄉飲酒  
禮鄉射禮皆是一獻

卿大夫三獻

賈疏左傳季孫宿  
云得貺不過三獻

郊特牲云三獻之介周官大行人上公饗禮九獻侯  
伯七獻子男五獻是以大夫三獻士一獻此其差也

賓醴不用柶者沛其醴

賈疏此賓醴飲之沛者故不用柶醴子則不沛故用柶也

內則曰飲重醴清糟

賈疏內則注云飲目諸飲也重陪也糟醇也清沛也致飲有醇

者有沛者

凡醴事實者用糟文者用清

賈疏實謂若冠禮醴子之

重設之

類是也故設尊在房中文者此醴賓

教氏繼公曰

是也故於房戶之間顯處設尊也

此禮用醴蓋因醴子用醴而為之若不醴而醺則此

禮亦因之而用酒與用酒則為饗醴賓之時贊者皆

與贊冠者為介與鄉飲酒相類則是一獻之禮賓介

而下皆然也其獻及酢酬疑亦略如鄉飲之儀



案鄭知醴用清者以下經言酬賓酬必先酢酬酢必卒爵糟醴不卒故知用清也然則賓介皆拜既爵矣洗亦設于庭一獻之禮簡注疏謂獻後有燕未必然

主人酬賓束帛儷皮

儷音麗力移反注古文儷為離

正義鄭氏康成曰飲賓客而從之以財貨曰酬所以申暢厚意也

賈疏當奠酬之節行之以貨財

束帛十端也儷皮兩鹿

皮也

賈疏此無正文鄭注聘禮云凡君於臣臣於君麋鹿皮可也

教氏繼公曰

醴之而有俎又酬以皮帛重謝之也酬賓之禮當行

於賓受獻之後未卒爵之前猶食禮既受侑幣乃卒食也

案獻酢用爵酬用觶賓取觶奠于薦東主人乃更洗爵以獻介介酢主人主人不酬介獻之禮成於酬主於尊者而已

通論賈氏公彥曰此醴賓與饗禮同饗禮有酬幣聘禮云若不親食致饗以酬幣大戴禮禮幣采飾而四馬是大夫禮與士異也禮器琥璜爵鄭注云天子酬

諸侯諸侯相酬以此玉將幣也凡尊卑獻數多少不同及其酬幣唯於奠酬之節一行而已凡言束者無問脯與錦皆以十為數

贊者皆與贊冠者為介

與音預

正義鄭氏康成曰介賓之輔以贊為之尊之飲酒之

禮賢者為賓其次為介

賈疏鄉飲酒禮又其次為衆賓此亦當同

敖氏

繼公曰言此於酬賓之後者明酬幣唯用於正賓也介副也以副於正賓名之飲酒之禮有賓有介有衆

賓此贊冠者為介餘為衆賓衆賓之位亦在堂鄉飲  
酒禮賓席于戶牖間介席于西序衆賓之席繼賓而  
西

存疑鄭氏康成曰贊者衆賓也皆與亦飲酒為衆賓  
辨正朱子曰詳贊者謂主人之贊者也恐字誤作衆  
賓耳

案皆者皆衆賓與主人之贊者也贊冠者亦存焉下  
句又別言之耳主人之贊者位于堂下及獻之則升

受降飲與

賓出主人送于外門外再拜歸賓俎

正義鄭氏康成曰一獻之禮有薦有俎其牲未聞

賈疏

昏禮舅姑共饗婦以一獻有姑薦則此亦有薦脯醢可知

歸賓俎使人歸諸賓家

也古者與人飲食必歸其盛者所以厚禮之

案出不言贊者文略也有俎必有牲其用豕與知不用豚者以賓介主人俱當有俎不可以豚解之法施之也俎實當與鄉飲酒同

右醴賓

總論朱子曰此章以上正禮已具此下皆禮之變

若不醴則醕用酒

醕子召反

正義鄭氏康成曰若不醴謂國有舊俗可行聖人用  
焉不改者也曲禮曰君子行禮不求變俗祭祀之禮  
居喪之服哭泣之位皆如其國之故謹修其法而審

行之是也酌而無酬酢曰醕

賈疏鄭解無酬酢曰醕惟據此文而言醕亦無

酬酢不名醕者醴太古之物自然質無酬  
酢酒本有酬酢故以無酬酢而名醕也

教氏繼

公曰此醺與醴大意略同惟用酒而儀物繁為異冠禮之始惟醴而已然少近於質故後世聖人又為此醺禮與之並行言若者文質在人用之惟所欲耳

案醴有無酬酢者冠禮醴子昏禮醴賓醴女醴婦聘禮醴賓皆是也亦有有酬酢者冠禮醴賓鄭氏以為清醴是也若醺則皆無酬酢此經及昏禮父醺子而命之迎使人醺庶婦是也醺蓋尊所施於卑者盡爵曰醺有不敢不盡之意自敵以上則不用此禮於冠

者用酒則於賓亦用酒但不曰醺而曰饗矣昏禮舅饗送者以一獻之禮是其類蓋與醴賓一獻之禮同唯用醴用酒異耳

存疑賈氏公彥曰上文適子冠於阼醴於客位者周法也此不醴而醺用酒者夏殷法也

辨正朱子曰不醴而醺乃當時國俗不同如魯衛之罍有繆布祔有離合皆周禮自異賈氏以為夏殷法未必然也



案醴濁而酒清醴質而酒文據行禮之本意則質為重故冠施於適子用醴於庶子用酒與昏施於適婦用醴於庶婦用酒義一也據行禮之從宜則文為貴故冠庶子固醴用酒而冠適子亦有時不醴而醴用酒者記云適子冠於阼醴於客位是也庶子醴於房外成而不尊此與醴適婦於戶牖間庶婦惟使人醴之義亦同然則適本宜用醴而時或用酒庶則但宜用酒而不得用醴亦重適之義也

尊于房戶之間兩甌有禁玄酒在西加勺南枋

正義鄭氏康成曰房戶間者房西室戶東也禁承尊之器名之為禁者因為酒戒也玄酒新水也雖今不用猶設之不忘古也 賈氏公彥曰上文醴不言禁

者醴非飲醉之物故不設戒此用酒恐醉因而禁之玄酒非飲亦為禁者以玄酒對正酒不可一有一無也 李氏如圭曰醴在房酒在堂酒事文也凡醴無

罍醯亦不用罍者從醴質 敖氏繼公曰醯設酒甌

與醴設醴甒其節同亦於陳服後為之兩甒一酒尊  
一玄酒尊也玄酒在西尊西上也以冠者之位在其  
西故順之加勺加於二尊之上而覆之也玄酒亦加  
勺者不以無用待之也南枋為酌者北面覆手執之  
便也少牢饋食禮曰主人北面酌酒  
洗有篚在西南順

正義鄭氏康成曰洗庭洗

賈疏用醴之時醴尊在房故洗亦在房今醴用酒與

常飲酒同故洗亦當在庭

當東榮南北以堂深篚陳於洗西南順

北為上也

賈疏據席制以識之先後為首尾此  
篚云北上者應亦有記識為上下也

賈

氏公彥曰設洗法在設尊前此於設尊後言者以上  
云醺用酒即連云尊文勢如此故直言洗有篚不言  
設也 敖氏繼公曰醺而設洗之節亦與醴同惟有  
篚為異此見其異者耳篚所以盛爵也下篚之爵三  
存疑鄭氏康成曰篚亦以盛勺解

案醴之篚在房中服北醺之篚在庭中洗西醴用解  
而醺用爵則此篚不宜有解醴不加勺於尊故并在

篚此勺加尊上則篚中不宜更有勺矣注誤

始加醺用脯醢賓降取爵于篚辭降如初卒洗升酌

正義鄭氏康成曰始加者言一加一醺也加冠於東

序醺之於戶西同耳始醺亦薦脯醢賓降者爵在庭

酒在堂將自酌也一升曰爵辭降如初如將冠時降

盥辭主人降也贊者筵于戶西賓升揖冠者就筵乃

酌朱子曰始加二字乃疊見前始加緇布冠一章

之禮醺用脯醢乃題下事其實賓答拜後乃薦之也

賓升酌時冠者猶在出房南面之位 賈氏公彥曰

前三加訖乃一醴於客位用脯醢此始加訖即醢於  
客位用脯醢前用醴時醴在房贊者酌授賓賓不親  
酌此則賓親洗爵酌酒故有升降也 教氏繼公曰  
贊者筵于戶西賓乃降也用爵醢禮文也卒洗亦當  
壹揖壹讓乃升

冠者拜受賓答拜如初

正義鄭氏康成曰冠者南面拜受賓授爵東面答拜

如醴禮也於賓答拜贊者則亦薦之

賈疏經不言薦之時節故鄭別

言之亦當如醴子時薦也

凡薦出自東房

賈疏用醴時尊在房脯醢出自東房醢用酒尊

在堂脯醢亦出自東房鄉飲酒鄉射時牲少牢薦者皆出東房故云凡以該之

敖氏繼公

曰如初謂初醴時之儀也

案冠者南面拜受正當賓筵前北面致醺辭訖時也

冠者升筵坐左執爵右祭脯醢祭酒興筵末坐啐酒降筵拜賓答拜冠者奠爵于薦東立于筵西

正義鄭氏康成曰冠者立俟賓命賓揖之則就東序

之筵

賈疏謂當更加皮弁也

賈氏公彥曰此雖用酒其行事

與醴同惟彼出房立待賓命此醺訖立于席西待賓命為異 李氏如圭曰不卒爵者從醴禮

案降筵奠爵而後拜執爵興賓乃答拜拜訖冠者乃奠爵于薦東其節亦當與醴同

總論朱子曰此正醺禮也下兩醺及後章三醺凡言如初者皆謂如此禮

徹薦爵筵尊不徹



正義鄭氏康成曰徹薦與爵者辟後加也

賈疏後加薦爵更設

辟 故云不徹筵尊三加可相因由便也 敖氏繼公曰

亦贊冠者徹之必徹者所以新後醺之禮若不相因然徹薦爵蓋入于房

加皮弁如初儀再醺攝酒其他皆如初

攝書摺反注今文攝為聶

正義鄭氏康成曰攝猶整也整酒謂撓之

賈疏撓謂更益整頓

之示新也有司徹司宮攝酒

朱子曰如初儀者如前再加一章

之儀也下條放此其他皆如初言惟攝酒異於始醺

其他皆如之也 賈氏公彥曰始醺徹脯醢至再醺

不言者以三醺惟加俎不加籩豆故不徹薦止徹爵而已祝辭三醺不言嘉薦直言籩豆是明文也

加爵弁如初儀三醺有乾肉折俎齊之其他如初

折之設反

齊才計反

正義賈氏公彥曰前二醺有脯醢此更加乾肉折俎

齊謂至齒嘗之 鄭氏康成曰乾肉牲體之脯也折

其體以為俎 敖氏繼公曰乾肉折俎猶言乾肉俎

也俎盛牲體之折者故名折俎設之於脯醢之南士

虞禮有乾肉折俎二尹縮祭半尹此乾肉亦縮俎而左胸右末其所濟即祭半尹者也亦振祭乃濟之唯言濟省文耳物至齒謂之濟知其味謂之嘗 賈氏

公彥曰下若殺再醢不言攝酒三醢言攝此再醢言攝酒三醢不言攝是再醢後皆有攝互文以見義也通論賈氏公彥曰周官腊人掌乾肉凡田獸之脯腊注云大物解肆乾之謂之乾肉若今梁州鳥翅矣薄

析曰脯捶之而施薑桂曰臠脩乾肉與脯脩別言者  
或為豚解而七體以乾之謂之乾肉及將升於俎則  
節折為二十一體

案乾肉用豚解之法解之蓋用四體而已脊脇未必  
用也及將用之則以一體折而用其二故云二尹股  
則肫若胙肱則肩若臂又以半尹為之祭焉非謂盡  
取七體折而為二十一也此於新殺為殺禮故然云  
乾肉折者明其有骨也豚解之法詳見士喪下篇葬

奠體解之法牲體之數詳見少牢禮陳鼎載俎

北面取脯見于母

正義賈氏公彥曰下文若殺卒醺取籩脯以降此亦  
取籩脯見母亦適東辟母俠拜同 敖氏繼公曰著  
此者見其與醴同也下放此

右醺

若殺則特豚載合升離肺實于鼎設扃寓

殺如字扃居  
螢反寓迷翼

反注今文扃為  
鉉古文寓為密

正義鄭氏康成曰特豚一豚也煮於鑊曰亨

賈疏特牲亨于

門外東方注云亨者煮也亨承魚腊以鑊各一鑊詩云誰能亨魚溉之釜鬻是鑊為亨也

在鼎曰

升在俎曰載

賈疏昏禮特豚合升又云側載特牲卒載加匕于鼎少牢司馬升羊實于一鼎

皆是在鼎曰升在俎曰載之文但在鼎直有升一名在俎則升載兩稱也少牢禮升羊載右胖有司徹亦云

乃載合升者明升與載皆合左右胖離割也割肺者

使可祭也可瘠也離肺小而長午割之不提心肩鼎

扛鬲鼎覆也

許氏慎曰豚小豕

賈氏公彥曰上

醢子用乾肉不殺牲此下言殺牲故俱云若也升載

之法載在後升在前今先言載後言升又合在載升之間者通言之欲見在俎在鼎俱合也甬者以茅覆鼎長則束其本短則編其中局所以舉鼎冬官匠人廟門容大局七个闔門容小局三个注云牛鼎大局長三尺脚鼎小局長二尺今此豚鼎當用小局也敖氏繼公曰士喪禮特豚四髣去蹄兩胛脊此其合升之體數也肺離之者使絕之而為祭也既祭則臠之故又名臠肺其與脊同舉者則謂之舉肺鼎設局

是亦舉之也。孤子則舉鼎陳于門外，此不陳，惟俟時而入，錯於阼階前，寓見公食禮。

通論陳氏祥道曰：脉則吉，凶皆合升用成牲，則升其胖而去髀，吉升右而凶升左。脊脇六而肱股五為十一體也。賈氏公彥曰：凡肺有二種，一者舉肺一者祭肺，就舉肺中復有三稱，一名舉肺為食而舉二名離肺，少儀云：牛羊之肺離而不提心也。三名臠肺，以齒臠之，三者皆據生人為食而有也。祭肺亦有三稱。



一名祭肺為祭先而有之二名忖肺切之使斷三名

切肺名雖與剗肺異實則同

朱子曰忖亦剗疑即切字寫誤為二耳

三

者皆為祭而有切肺離肺指其形餘皆舉其義也

存疑鄭氏康成曰凡牲皆用左胖

辨正賈氏公彥曰案特牲少牢皆用右胖鄉飲酒鄉射亦用右惟虞禮喪祭反吉用左此云左胖或據夏殷之法與周異也

案注左胖蓋右胖之訛疏疑為夏殷之法亦非也

始醯如初

正義鄭氏康成曰亦薦脯醯徹薦爵筵尊不徹矣

賈氏公彥曰此一醯與不殺同未有所加 朱子曰  
初謂前章之始醯也

再醯兩豆葵菹羸醯兩簋栗脯

羸力禾反注  
今文羸為蝸

正義賈氏公彥曰加一豆一簋者為有殺牲故盛其  
饌也鄭注周官醯人云細切為齏全物若牒為菹作  
醢及醢者先膊乾其肉乃後莖之雜以梁麴及鹽漬

以美酒塗置甑中百日則成矣是作醢及菹之法也

鄭氏康成曰羸醢蟪蛄醢

賈疏蟪蛄羸蟪蛄  
蛄爾雅文

朱子曰

再醢惟攝酒加豆籩為異不言如初者可知也 教

氏繼公曰此見其異於上者爾是禮愈文故於此即  
加其豆籩以起三醢之禮且示禮隆有漸也兩豆兩  
籩之位若以有俎之禮言則醢在菹東栗在菹西脯  
在栗南也此薦雖不與三醢有俎者相因而位則宜  
放之

三醺攝酒如再醺加俎瘠之皆如初瘠肺

正義鄭氏康成曰攝酒如再醺則再醺亦攝之矣祭

俎如初如祭脯醢

賈疏如祭脯醢者以三醺惟祭俎之肺不復祭脯醢也

教

氏繼公曰加俎謂於籩豆之外又加豚俎也設之當

菹醢之南三加後者彌尊故三醺而後者愈盛禮宜

相稱也瘠之謂絕祭不言祭文省肺之瘠者必祭祭

者不必瘠也皆如初謂此再醺三醺之所不見者皆

如不殺始醺之禮也云瘠肺者又明其所瘠之異於

不殺者也不殺則祭用乾肉而嘑之

存異鄭氏康成曰加俎嘑之嘑當為祭字之誤也

賈疏

祭先之法祭乃嘑之又不宜有二嘑故破加俎之嘑為祭

辨正朱子曰初謂上章之三醺也上章三醺及此節

皆攝酒嘑俎為異他皆如初則祭已在其中矣注誤改嘑為祭疏又妄為之說非也上章之俎無肺而此有肺故特言所嘑者肺而不嫌於複出則此嘑字當從本文陸氏亦云嘑讀如字嘑肺者釋上嘑之為嘑

肺也凡言之法多此類

卒醺取籩脯以降如初

正義賈氏公彥曰此取脯見母與前不異既殺有俎肉而但取脯者見其得禮而已 敖氏繼公曰籩脯

謂其在籩者也言此以別於所祭者耳三醺亦兩豆兩籩而又加俎焉一俎而兩豆兩籩變於常禮亦盛之

案脯不取所祭者不敢褻神餘也

右殺

總論教氏繼公曰是篇始言醴次言醺後言殺聖人制禮愈變則愈盛亦可見尚文之意

若孤子則父兄戒宿

正義賈氏公彥曰此論士無父者加冠之法亦別言其與上異者 教氏繼公曰父伯父叔父也兄親兄也無則疏者亦可孤子雖尊於家然未冠不可與成人為禮於外故戒賓宿賓皆父兄為之惟言父兄戒

宿則筮日筮賓為期之事皆將冠者自主之可知

冠之日主人紒而迎賓拜揖讓立于序端皆如冠主禮

於阼

紒音髻又音界注古文  
紒為結今文禮為醴

正義鄭氏康成曰冠主冠者親父也 賈氏公彥曰

紒即上采衣紒禮於阼別言其異者也 敖氏繼公

曰必云紒者嫌與父在者異也孤子未冠而於此行  
成人之禮者無父則得伸其尊也諸父兄不主其事  
者家無二主也立于序端因冠主之位也禮謂賓與



冠者行禮蓋指三加與醴之類行禮皆於阼亦見其異於父在者以其為主人故也然則若醴若醕皆因冠席為之與

案冠主注以宗兄兼言之蓋據士昏記支子則稱其宗弟稱其兄以例此然上言父兄戒宿此云主人介而迎賓則戒宿者不為冠主可見矣雖有伯父親兄不為冠主又何宗兄之有蓋昏禮之命使與此之戒賓宿賓相類故稱之而正行冠禮則父既不在冠者

自為主也主人紆者曲禮云孤子當室冠衣不純采然則不采衣不錦束髮亦異於不孤者矣不當室者則仍采與

凡拜北面于阼階上賓亦北面于西階上答拜

正義敖氏繼公曰此賓主相拜之正位也凡拜謂醴若醮時拜受之類 賈氏公彥曰父在則拜于筵西南面賓答拜于西序東面則此與賓各專階北面為異也

若殺則舉鼎陳于門外直東塾北面

正義鄭氏康成曰孤子得伸禮盛之

賈疏凡陳鼎在外者賓客之禮

在內者私家之禮是在外者為盛也

父在有鼎不陳於門外

賈氏公

彥曰舉鼎者謂於廟門外之東辟鑊所舉至廟門外之東直東塾豚魚腊三鼎皆北鄉相重而列之

教

氏繼公曰殺謂醺而殺牲也直東塾當其南也鼎陳於此亦俟時而入錯之

通論教氏繼公曰凡鼎既升乃舉而別陳之者正禮

也是禮為主人而設故得如禮大夫士陳鼎于門外  
皆北面惟喪奠西面國君陳鼎南面天子未聞

右狐子冠

案曾子問父沒則已冠掃地而祭於禩已祭而見  
伯叔父而后饗冠者祭禩者以父不在祚故也已  
祭而見伯叔父則知伯叔父固不得為冠主矣  
若庶子則冠于房外南面遂醺焉

正義賈氏公彥曰此論庶子加冠法 鄭氏康成曰

房外謂尊東也

賈疏上陳尊在房戶之間房外則尊東也

不於阼階非代

也

賈疏下記云適子冠於阼以著代也此不於阼非代故也

不醺於客位成而不

尊

賈疏下記云適子醺於客位加有成也是成而尊之此則成而不尊故因冠之處遂醺焉

教

氏繼公曰言遂者見其因冠席也冠醺同處可以不

必別布席若不醺而醴其位亦如之經不言醴蓋著

其文者耳

存疑賈氏公彥曰適子周一醴夏殷三醺庶子無文

周當一醺夏殷當三醺

朱子曰一醺以酒者正也

其用醴與三醺為適而加耳庶子則皆一醺以酒足矣疏恐非

辨正敖氏繼公曰經惟言冠而遂醺畧無異文則是三加三醺皆與上文適子之禮同惟以冠醺在房外為異此庶子指父在者也父在而冠宜別於適父沒則其禮同矣凡冠者於廟

右庶子冠

冠者母不在則使人受脯于西階下

正義賈氏公彥曰言不在者或歸寧或疾病也 朱

子曰不在兼存没而言若被出而嫁亦是也蓋主人  
若非宗子則固有無主婦者此云使人未必母使之  
教氏繼公曰言於此者見以上冠者之禮同也  
存疑賈氏公彥曰使人受脯為母生在於後見之

案母在而或出或嫁固不必有冠訖見之之禮其歸  
寧或疾病者他日見之亦不須執脯取脯以明禮成  
原不為送母也使人蓋主人若冠者使之既受脯亦

更無他禮節矣昏禮賓有反命此則無

右母不在

戒賓曰某有子某將加布於其首願吾子之教之也

注古

文某

為謀

正義賈氏公彥曰此下總見戒宿祝醺醴字之辭上某主人名下某子之名加布初加緇布冠也教之者即以此加冠行禮為教之也教氏繼公曰冠禮三加惟云布者取其始加而質者言之謙也鄭氏康



成曰吾子相親之辭也子男子之美稱

賈疏古者稱師曰子又公

羊傳名不若字字不若子是子為美稱也

賓對曰某不敏恐不能共事以病吾子敢辭

共音恭注古文病為

秉

正義鄭氏康成曰病猶辱也 敖氏繼公曰不能共

事則冠禮不成故云病吾子

主人曰某猶願吾子之終教之也賓對曰吾子重有命

某敢不從

重直用反下同

正義鄭氏康成曰敢不從許之辭

右戒賓辭

宿曰某將加布於某之首吾子將泣之敢宿賓對曰某

敢不夙興

泣音戾注  
今文無對

正義敖氏繼公曰正賓而下宿之之辭皆同惟以主人之親宿與否別之耳 鄭氏康成曰泣臨也

右宿賓辭

始加祝曰令月吉日始加元服棄爾幼志順爾成德壽

考維祺介爾景福

朱子曰順古與慎通用

正義鄭氏康成曰令吉皆善也元首也

賈疏左傳先軫入狄師死

之狄人歸先軫之元是元為首又尚書亦曰元首

爾女也既冠為成德

賈疏冠義

既冠責以父子君臣長幼之禮皆成人之德

祺祥也介景皆大也因冠而

戒且勸之女如是則有壽考之祥大女之大福也

教氏繼公曰棄爾幼志戒之也順爾成德勉之也言

先去幼志而後能順成德也幼志即傳所謂童心成

德成人之德

再加曰吉月令辰乃申爾服敬爾威儀淑慎爾德眉壽

萬年永受胡福

注古文  
眉作麋

正義鄭氏康成曰辰子丑也申重也胡猶遐也遠也  
遠無窮 賈氏公彥曰十榦配十二辰直云辰明有  
榦可知即甲子乙丑之類 敖氏繼公曰德者內也  
威儀者外也學者固當以德為先威儀為後然不重  
其外亦未必能保其中之所有也故先言敬威儀後  
言慎德淑善也眉壽豪眉也人年老必有豪眉秀出

者

三加曰以歲之正以月之令咸加爾服兄弟具在以成

厥德黃耆無疆受天之慶

耆音苟

正義鄭氏康成曰正猶善也咸皆也皆加女之三服

謂緇布冠皮弁爵弁也黃黃髮耆凍梨

賈疏黃髮髮白而復黃也

爾雅耆老壽此云凍梨者以其面似凍梨之色也

皆壽徵也疆竟也教氏

繼公曰歲之正謂當冠之年也歲言正而月言令言

吉則冠無常月又可見矣厥指兄弟能成兄弟之德

則正身齊家之事也以此勉之其所以責成人之道深矣

案教氏謂成兄弟之德固於大學宜兄宜弟之義有合焉但上文兩言慎德皆指冠者不應此句獨異則謂兄弟具在觀瞻所繫凡以成爾之德云爾此解似長

右加冠祝辭

總論陳氏祥道曰始曰順德再曰慎德三曰成德

能順德然後能慎德能慎德然後能成德

醴辭曰甘醴惟厚嘉薦令芳拜受祭之以定爾祥承天之休壽考不忘

正義鄭氏康成曰嘉善也善薦謂脯醢芳香也休美也不忘長有令名 教氏繼公曰醴謂以醴飲冠者也言厚見其未涉拜受祭之亦教之也然則賓釋此辭其在筵前北面冠者未拜之時與壽考不忘謂至於壽考而人不能忘之也此蓋古人祝頌之常語詩

亦多用之

右醴辭

醴辭曰旨酒既清嘉薦亶時始加元服兄弟具來孝友

時格永乃保之

亶丁但反注古文亶為痺今文格為嘏

正義鄭氏康成曰旨美也亶誠也善父母為孝善兄

弟為友

賈疏爾雅文

時是也格至也永長也保安也行此

乃能保之

教氏繼公曰進醴辭當與醴辭之節同

亶時謂誠得成熟之時保守而有之也言女方加首



服而兄弟皆來者蓋女孝友之德有以感格之也自今以後當常保守此德而勿失之美而復戒之也

存疑鄭氏康成曰凡醺者不祝

賈疏言凡謂庶子也  
不加冠於阼不禮於

客位無著代之理故  
畧之亦不設祝辭

辨正敖氏繼公曰經於醺禮始加無異文於再加三加皆云如初儀則是醺者亦祝明矣醺禮文故以多儀為貴

案經明言醺辭而注云凡醺不祝蓋謂既有醺辭則

加冠時不用祝辭耳此於經本無所據而疏以為為庶子言之抑似此醺辭祇用於適子而不用於庶子者又并非注意矣醴者三加有祝而醴又有辭不嫌詳複也何獨於醺而疑之

再醺曰旨酒既滑嘉薦伊脯乃申爾服禮儀有序祭此

嘉爵承天之祐

滑思呂反  
祐音戶

正義鄭氏康成曰滑清也伊惟也祐福也 賈氏公

彥曰滑沛酒之稱鳧鷖詩爾酒既滑注云滑酒之沛

者 教氏繼公曰獨言脯者欲協音耳亦舉其所上者言之也凡一籩一豆則先脯後醢序謂始加再加之次第

三醢曰旨酒令芳籩豆有楚咸加爾服肴升折俎承天之慶受福無疆

正義鄭氏康成曰楚陳列之貌肴升折俎亦謂豚賈氏公彥曰楚茨詩亦云籩豆有楚此用再醢之籩豆不增改之故云有楚 教氏繼公曰肴謂乾肉若

豚也詩曰爾殽伊脯

右醺辭

總論教氏繼公曰醺辭蓋主為不殺者作若殺則  
籩豆有加乃因用之而不改者以其亦有脯故也  
一加則一醺故每醺之辭輒見加冠之序明其各  
有所為也

字辭曰禮儀既備令月吉日昭告爾字爰字孔嘉髦士  
攸宜宜之于假永受保之曰伯某甫仲叔季唯其所當

假音赅注  
甫或作父

正義鄭氏康成曰昭明也爰於也孔甚也髦俊也攸

所也于猶為也伯仲叔季長幼之稱

賈疏若兄弟四人則依次稱之

邇其數者夏殷則積仲周則積叔如管叔蔡叔之類是也

甫丈夫之美稱

賈疏穀梁傳隱

元年孔子為尼甫

賈疏見左傳哀十六年

周大夫有嘉甫

賈疏桓十

五年嘉甫來求車

宋大夫有孔甫

賈疏見桓二年

是其類朱子曰

假與赅同福也教氏繼公曰髦士才德過人之稱

言髦士乃與嘉字相宜若宜之則為福矣唯所當謂

其第若當在仲則云仲某甫也叔季亦然 孔氏穎

達曰人年二十冠而加字曰伯仲某甫

李氏心傳曰如伯休甫仲

山甫之類

至五十者艾轉尊則又舍其某字而直以伯仲

別之

吳氏澄曰如單伯管仲之類 朱子曰賈氏檀弓疏與此孔疏不同疑孔說是

存疑賈氏公彥曰檀弓五十以伯仲周道也是稱伯

仲之時兼字而言若孔子稱尼甫至五十去甫配仲

而稱之曰仲尼是也 鄭氏康成曰假大也宜之是

為大矣

右字辭

總論朱子曰諸辭皆當以古音讀之其韻乃叶  
教氏繼公曰以士昏禮例之戒賓以下諸辭皆當  
為記文此乃在經後記前未詳

屨夏用葛玄端黑屨青絢纁純純博寸

絢其于反纁音億  
純章允反下並同

正義賈氏公彥曰此下言三服之屨不與服同陳於  
前者屨在下不宜與服同列故別言之 鄭氏康成

曰屨順裳色

賈疏禮之通例衣  
與冠同屨與裳同

玄端黑屨以玄裳為

正也

賈疏玄端兼有黃裳雜裳履獨用黑與玄裳同色故云正也

約之言拘也以

為行戒

賈疏拘者自拘持之意故云以為戒

狀如刀衣鼻在屨頭

賈疏以漢

法為

縹縫中紉也

賈疏縫中紉謂牙底相接之縫中有條紉也

純緣也

賈疏

況

緣謂純

三者皆青博廣也

賈疏純廣一寸

敖氏繼公曰約

取屈中之義而名之綴於屨頭以為飾也約純亦以

條為之

案此玄端黑屨初加時所用也

素積白屨以魁柎之緇絢縹純純博寸

魁苦回反柎方烏反



正義鄭氏康成曰魁蜃蛤

賈疏魁即蜃蛤一物也周官掌蜃掌共白盛之蜃鄭

司農云

梲注也

賈氏公彥曰以魁梲之謂以蛤灰

謂蜃炭

塗注于上使色白也

案此皮弁服之屨再加時所用也

爵弁纁屨黑絢纁純純博寸

正義敎氏繼公曰黑屨青飾白屨緇飾則此纁屨當飾以白而白非所以為飾也故越之而用黑焉

案此三加所用之屨也

存疑鄭氏康成曰爵弁屨以黑為飾爵弁尊其屨飾

以績次

賈疏案冬官畫績之事青與白相次赤與黑相次玄與黃相次績以為衣青與赤謂之文

赤與白謂之章白與黑謂之黼黑與青謂之黻績以為裳是對方為績次北方謂績次又鄭注屨人云複下曰舄禪下曰屨凡舄之飾如績之次凡屨之飾如繡之次上黑屨青飾白屨黑飾皆繡之次此繡屨不取比方白色而以對方黑色為飾是用績次與舄同故云爵弁尊也

總論賈氏公彥曰三服見屨不同玄端有黃裳之等不得舉裳見屨故舉衣皮弁以素積見屨屨裳同色是其正也爵弁既不舉裳又不舉衣者嫌與六冕同

玄衣纁裳故以首服見屨也 朱子曰三屨經不言  
所陳處疑亦在房中服既北上屨應各在其裳之南  
故既加冠適房改服即得并易屨而出也 敖氏繼  
公曰屨先卑而後尊以三加之次言之

冬皮屨可也

正義賈氏公彥曰冬時寒許用皮故云可也春宜從  
夏秋宜從冬舉冬夏者以寒暑極時為言 敖氏繼  
公曰皮屨不見其色與飾同於上可知上言夏此言

冬則是四時皆可冠矣此及士喪禮皆云冬夏若春秋則或先皮後葛或先葛後皮與

不屨總屨

總音歲

正義鄭氏康成曰總屨喪屨也縷不灰治曰總

賈疏喪服

記總衰四升有半總衰既喪服則總屨亦喪屨又斬衰冠六升傳云鍛而勿灰則總衰四升半不灰可知

敖氏繼公曰不屨之屨著屨之稱也總乃布之疏者以為屨則輕涼言此者嫌夏時冠或用之總非吉布而冠則嘉禮之重者是以不宜屨之也

右屨

記冠義

正義賈氏公彥曰記者記經不備兼經外遠古之言  
鄭注燕禮云後世衰微幽厲尤甚禮樂之書稍稍廢  
棄蓋自爾之後有記乎又案喪服記子夏作傳則記  
當在子夏之前冠義者記冠中之義也

案此記中引孔子語明孔子以後人所錄冠義者記  
中小目又戴記亦有冠義此記文又載郊特牲篇蓋後

儒講禮行禮各記其事與義而言之有詳畧異同耳  
始冠緇布之冠也大古冠布齊則緇之其緇也孔子曰  
吾未之聞也冠而敝之可也

之冠冠布並如字大音泰齊側皆反緇如惟反

正義鄭氏康成曰大古唐虞以上

賈疏下陳三代之冠云牟追章甫委

貌無齊冠明太古是唐虞以上

綏纓飾未之聞大古質無飾重古始

冠冠其齊冠白布冠今之喪冠是也

賈疏大古吉凶同服白布冠未

有喪冠三代有年追之等則以白布冠為喪冠也

賈氏公彥曰經直言加

緇布冠此記更言不綏與不更著之事也冠布謂著

白布冠也將祭而齊則為緇孔子時有緇者故非之  
敝之明不復著 教氏繼公曰大古冠布謂始知作  
冠之時但以白布為之初無吉凶之異齊則緇之變  
於無事之時也緇者以纓之餘長為飾也古者之纓  
足以固冠而已未知為飾後世冠制既異惟始冠猶  
用古冠宜存古意若緇之則失之矣敝毀壞也敝之  
猶可則不復用可知既不復用又何必飾之矣

案始冠用古既而敝之何取焉然而聖人用之者時

之不得不變者其勢也古之不可不存者其義也

餘論皇甫氏侃曰齊則緇之謂祭前若祭時自著祭服有虞氏皇而祭是也 賈氏公彥曰冠訖士則敝之不復著若庶人猶著之故詩云彼都人士臺笠緇撮是庶人用緇布冠籠其髮以為常服也

右記用緇布冠之義

適子冠於阼以著代也醺於客位加有成也三加彌尊諭其志也冠而字之敬其名也

適低益反



正義教氏繼公曰著明也著代明其將代已也加猶尚也尊也有成謂有成人之道也尊其有成故以客禮待之凡人之志皆欲自卑而尊故三加之禮其最尊者在後蓋諭其志而然也諭謂深曉之 賈氏公

彥曰惟言醺舉一以見二也君父之前稱名他人稱

字是敬其名 鄭氏康成曰名者質所受於父母

賈疏

內則子生三月父名之夫婦一體  
受於父即是受於母故兼言也

冠成人益文

賈疏  
字者

受於賓  
故為文 故敬之

案此皆冠義之大者故記者釋之三加彌尊諭其志者緇布冠朴皮弁質爵弁文服彌尊則志彌充大服其服則思文其容而實以君子之德故祝辭曰順德曰慎德曰成德

右記重適子之義

委貌周道也章甫殷道也母追夏后氏之道也

母追音牟堆注

甫或為父  
今文為斧

正義賈氏公彥曰此解經之易服服玄冠也三冠皆

三代朝服之冠 鄭氏康成曰或謂委貌為玄冠委  
猶安也言所以安正容貌章明也言所以表明丈夫  
也母發聲也賈疏在上謂之發聲在下謂之助句義無取則是發聲也追猶堆也  
夏后氏質以其形名之三冠其制之異同未之聞  
教氏繼公曰道猶制也

案記意即以此當始加之冠也蓋始加本應以玄冠  
重古故用緇布冠而既則以此易之然則三者皆玄  
冠之別名與公西華言端章甫則周人亦名章甫矣

周弁殷尋夏收

尋虛羽反  
又況甫反

正義賈氏公彥曰陳此者見三代士之三加之冠皆有爵弁也弁古冠之大號鄭氏康成曰弁名出於槃槃大也言所以自光大也尋名出於幠幠覆也言所以自覆飾也收言所以收斂髮也其制之異未聞三王共皮弁素積

正義鄭氏康成曰質不變

賈疏以其質素故三王同之自天子下達無所改易

賈氏公彥曰言三代再加所用同也

右記三代冠之同異

無大夫冠禮而有其昏禮古者五十而後爵何大夫冠禮之有

正義敖氏繼公曰無大夫冠禮而有其昏禮據禮經而言也其下二句釋所以無大夫冠禮之意古者謂始有冠禮之時鄭氏康成曰二十而冠急成人也五十乃爵重官人也大夫或時改娶有昏禮是也

賈疏

三十而娶五十乃命為大夫則昏時猶為士不宜有大夫昏禮其有昏禮容改娶也

賈氏公

彥曰或有未二十有賢才亦得試為大夫者喪服小  
功章云大夫為昆弟之長殤大夫十九以下為兄殤  
服已為大夫則早冠矣雖早冠亦行士禮而冠 朱  
子曰疏引喪服見未二十已為大夫不待二十而冠  
然此亦為繼世為大夫者言耳

存疑鄭氏康成曰周之初禮年未五十而有賢才者  
試以大夫之事猶服士服行士禮

案記意謂古無年未及冠而先為大夫者故無大夫

冠禮若既為大夫已冠之後必不仍服士服行士禮矣即如大夫為兄殤再降至小功此亦服大夫服行大夫禮之一徵也疏謂大夫亦以士禮冠則可通公侯之有冠禮也夏之末造也

正義賈氏公彥曰言此者見夏初以上雖諸侯之貴冠猶依士禮故記之於士冠篇之末鄭氏康成曰造作也教氏繼公曰下文云繼世以立諸侯象賢也則是公侯父死子繼其來久矣或有幼而嗣位者

爵已為諸侯及其冠也不容不與士禮異所以至夏末始作公侯之冠禮也

餘論家語冠頌孔子曰公冠以卿為賓公自為主迎

賓揖升自阼立於席北

朱子曰公堂深異於士

其醴也則如士

饗之以三獻之禮無介

鄭注饗賓也贊冠者退為衆賓君禮於臣本無介

無

樂

鄭注亦饗時也冠者成人代父始宜盡孝子之感不可以歡樂取之左傳云以金石之樂節之謂冠

時為節也

皆玄端

鄭注君臣同服

既醴降自阼諸侯非公而自為

主者其所以異皆降自西階

朱子曰其餘皆與公同為主而降自西階未詳



其義 玄端與皮弁

朱子曰案大戴作公玄端與皮弁皆韞

異朝服素韞

王氏

肅曰朝服素韞示不忘古大戴無異字 朱子曰異疑是皆字

公冠四加玄冕祭

王氏

肅曰四加玄冕祭服鄭注四當為三玄當為衮字之誤 孔疏諸侯四加則天子當五加衮冕也 朱子

曰案本文但言玄端皮弁玄冕而不言爵弁則鄭說三加為是而諸侯玄冕以祭則當從本文惟天子三

加其衮冕與

其酬幣於賓則束帛乘馬

朱子曰案大戴作朱錦采四馬其慶

也鄭注其慶賓也如是

天子擬馬

王氏肅曰擬諸侯禮

存疑鄭氏康成曰自夏初以上諸侯雖父死子繼年

未滿五十者亦服士服行士禮五十乃命也至其哀

末上下相亂篡弑所由生故作公侯冠禮以正君臣也

案此節據諸侯言明不獨大夫無冠禮雖公侯冠禮始自夏末古未有也末造猶言末世

天子之元子猶士也天下無生而貴者也

正義鄭氏康成曰元子世子也無生而貴皆由下升  
教氏繼公曰元子長子其冠時猶士而用士禮以  
其未即位則無爵故也舉天子之元子以見其餘

餘論家語冠頌孔子曰太子與庶子其冠皆自為主其禮與士無變饗食賓也皆同

案此節明天子之元子其冠猶士不但公侯用士禮已也家語孔子曰古者王世子雖幼其即位則尊為人君人君治成人之事者何冠之有又攷天子冠者武王崩成王年十三嗣位周公攝政既葬冠成王朝於祖以見諸侯示有君也然則古者天子幼既即位不復冠周則天子幼即位者有冠矣玉藻玄冠朱組

纓天子之冠也緇布冠續緌諸侯之冠也是諸侯之異者續緌別於無緌而天子則又玄別於緇朱別於續組纓別於緌耳其餘皆同士禮可知

總論歸氏有光曰自無大夫冠禮至此明天子諸侯大夫之無冠禮也冠者將責為人子為人弟為人臣為人少者之禮故冠必有主人孤子則父兄戒宿蓋父兄以成人之禮責子弟也天子為元子之時以士禮冠設不幸君終世子未冠則冕而踐阼已奉宗祧

君臨天下將又責以為人子為人弟為人臣為人少  
之禮乎家語孔子答孟懿子之問吾取焉曰古者王  
世子雖幼其即位則尊為人君人君治成人之事者  
何冠之有曰諸侯之冠異天子與曰君薨而世子主  
喪是亦冠也已人君無所殊也此孔氏之遺言也益  
以祝雍頌公符之篇則誣矣禮自上達而曰天子擬  
冠何也此非孔氏之言也周衰先王之禮不具傳者  
既失其本但知其略而欲求之於詳不知禮之失在

於略而又患於求詳之過公符曰公冠四加玄冕左  
傳季武子曰君冠必以裸享之禮行之以金石之樂  
節之以先君之祧處之玉藻曰始冠緇布冠自諸侯  
下達玄冠朱組纓天子之冠也緇布冠績纓諸侯之  
冠也蓋務為天子諸侯大夫士之別而不知先王制  
冠禮之義所以同之於士者也

案此論頗得制禮之本意如魯襄生四歲而即位六  
歲而與於諸侯之會盟豈其童子服乎必當弁冕矣

既已弁冕列於諸侯居十二歲而重行冠禮是亦可  
以已者也但自夏末有之則其來已久周公亦因之  
而不草與

繼世以立諸侯象賢也以官爵人德之殺也死而謚今

也古者生無爵死無謚

殺所戒反  
謚伸至反

正義朱子曰自繼世以下於冠義無所當疑錯簡也  
蓋老子不尚賢貴因任之意言上古之時各推其賢  
者奉以為君沒則復奉其子以繼之其後遂以為諸

侯然其子之立也但象似其賢而已非故擇賢而立之也至於中古乃在上者擇人任官而為之爵等此則德之殺哀不及上古之時矣又至於周而有諡法則生而有爵者死又加諡此則又其殺也上古民自立君故生無爵中古未有諡法故雖有爵而無諡又以申言古今之變也 鄭氏康成曰象法也為子孫能法先祖之賢故使之繼世也殺猶哀也德大者爵以大官德小者爵以小官 敖氏繼公曰古惟謂上



古也記之意蓋謂以官爵人已不如古死而有謚則愈不如古矣故云古者生無爵死無謚

案此記依朱子作錯簡為安後人強以冠義解之究屬傳會

存疑鄭氏康成曰今謂周哀記之時也古謂殷殷士生不為爵死不為謚周制以士為爵死猶不為謚耳下大夫也

賈疏周官掌客職羣介行人宰史以其爵等為之牢禮之陳數羣介行人皆士故知

周士有爵雖有爵死猶不謚卿大夫以上則有謚也今記之時士死則謚之非

也諡之由魯莊公始也

賈疏事見檀弓

賈氏公彥曰鄭注

郊特牲云殷大夫以上死有諡而檀弓云幼名冠字五十伯仲死諡周道也者殷已前若堯舜禹湯之屬皆因生號以諡故不得諡名周禮死則別為諡故云死諡周道也

案上古質雖堯舜亦稱名至湯乃有武王烈祖之稱亦子孫臣下推崇之而云然耳未定為諡法也至周文武以後列國諸侯亦漸有諡然西周王朝之大夫

如祭公謀父芮良夫尚稱字諸侯亦或別稱不盡有  
諡也至春秋而列國之卿大夫有諡魯衛晉宋齊陳  
類然若鄭蔡秦楚以及諸小國則無之孔子曾為魯  
大夫其沒也哀公誄之而無諡然則有諡者祇世卿  
耳士則終春秋未見有諡者鄭賈所云非的論也

右記大夫以上冠禮

欽定儀禮義疏卷二



覆校官檢討 臣季學錦

校對官檢討 臣龔大萬

膳錄監生 臣樊少巨